



አመት 1 ሂልቂ 1

ሰመን 2007

ድል ሸሐን

ኤድሚንቶን አልበርታ ከነዳቤ ወቅቲ ወቅቲቤ ቱጫት

VOLUME 1 Number 1

ሴፕቴምበር 2007



ሐረርጌይ ኩም ሲንኒ አግድሮት 2007

ሐረርጌይ ታሪኽ ዘገሀ ዋ ቡኡር እስታዞ እስከሀድ ጥንቲ ፍኹብትያች ኩቱብቲ ሁጃችቤ አልመምሰርዝዩ በጄህ ደፍደፍቲ ይብቀንዛልነቱው የቀናል። ሐረርጌይ ሀፍቲዜቤ እላ አሽእ ዛልቲበ ዝሀርሺ ዋ ዝሀራሺነት ዝሰላም ዋ ዝቂያመ ዝሸኝእ ዋ ዝኢማን ታሪኽዜው የበሰሉመ ታሪኽ ሁጅጂሌ ዘግ ዋ ፈህቤ የቀርቡሉነኩተ ሀረርጌይ ወልዳችዜቤ ኒቅባነ።

ሐረርጌይሌ ቆጥ ጌይ ዝቱ ሐረርጌይ መጋቢ ዩ አያም ዋ ዩ አመት ተኤሰሰቲሌ ከስተንቤ ዝትቆጩ አያም አይንበርማም አብዘህ ታሪኽ ኡሱአት 1200ቤ ዘይእነሰ ሰንኒ ሀሌቤ ይትካህላሉ። ዩው እድዴቤ የረግዚኩተ ናሻመ



ኡመትዚኻ ዚሐረሪ ሚሊኒየምቤ ዛረኡው ዚአድዳተቃጠርት ኪሰሆት

ሀፍቲዝነ ኩፎኝ ኑርዳነ።

ጁላይ 2006 ሚላዲ ቶሮንቶቤ ሐረሪያች ዝነሰኦ ሙርቲቤ ይትኹተልዛል ሐረሪያች መዳበያ ሞይ ሐረር ጌይ መጋቢ ዩኹንኩተ ቆጩን ናረ። ትዩ አሳስቤም 2007 ሚላዲ ሐረሪያች ሞይ ባድንታዊ ባይቲቤ ክላሆት ተኤገላ። ዝሐረሪ ማጥሽራረህቲ ሉሃች (መለሳይ ሉህ፡ሀረር ኮኔክሽን...ወዝተረፈ) አወስትራሊያ ዝሀረሪ ጠባ ራዲዮን ዘልባረ ሀፈርሳ የሊጥዛል ናረ። መትኹተልቤም ሐረር ሙዳይ ገልጌብ ጋር (ፓልቶክ) አርራ ድባየ ታኽ ኻገቲ።

ሉሀ3 ቤ ዩትኹተላላ

ዚኡሰጡእ ሊሀዳኝ	
ኦር መሀጃጃች	2
አሐድነት	4
ጅምጅምቲ ሞ ድምድምቲ	6
ሩህኻድ አለፋው	7
ኡመት ሂልቂ	10
ኦር መሀጃጃሌ ዚትሰጠ	13
ኮኦት አዳው መትጋበት	15
አው አባድር ሐረሪ ወለባይ	16
ሐረሪ መሀድ ኮንግረስ ዲያስፖራቤ	18

ዚሐረሪ ሁሰኒ ረኢስ ኸንጋ መራድ አብዱልሃዲ ዚሐረሪ ሚሊኒየምቤ ዛሽ ንግርቲ

ኩልሉዞቤ አቢስመ ኢቶቢያ ኩም አመ ሰጃ ዝታ ሐረር ኩም ታኝ ስንዜ



ግዲርያ ሙው እናችብህ መግደርሌ እዴቤ ዝትረኸቡ ኸንጋ ወዚራች ወዚር መለስ ዜናዊ፡ ፌዴራል መንግስት ባለስልጣናች ዋ ኢር ቱጭ ኢቶቢያ 5 አፈር ወሰን ሁሰኒ መትሂዳደርቲ ኤቡያችሌ፡ አዝዞኩትዞም እኛብህ እድዴቤ ዝትረኸቡ እስበልበላት ባድ አምባሳደራችሌ ኦርኩተቤ አልለ መገን እልኩተ እዝኒ

አትሂብራኽ። ዝሐረር ዋ ዝኢቶቢያ ኩም አ መ ጥ ሚ ጀ ቤ ይትገደርባዛል ዩ ዝታሪኽ ግዲርያምቤ መትረኸብቤ ንግርቲ መስጠ ነሲብ መግኛቤ ዝትሰመኤኝ ዝቀልብ ተሰቲ ፍዝቤ ዛይድ ሞኸነዞው ሩሂ ዋ ሐረሪ ሁሰኒ መንግስቲ ሱምቤ መግለጥሌ ኡዳኽ።

ሉሀ9 ቤ ዩትኹተላላ



ደለሰ

ኦር መሀጃጃችሉ ዝቅሰጠ ሀዲያ



እኩብ ፈለክዎቹው ባድ ዋ ኡ-መት-ዝዩሉ መዌለሌ ሀፍ ዛዩ ሀረቃችዝናው መራ ሁልሉቤ ተስ የቲሽመ የፋርሃል። ሜገል ናህዝና ንብሪው ነትማል ዘላዩቤ ኡ-መት ቀዲያው ሚዝ ላይ መዴጀዝዩ ዊጅ-አቂያች ሞኽንዝዩው የቀናል። ሂያች አይና እሾታማቸው መትኹተልመ መሌጣት ታ ። ስንኒዝዩ ዋ ዝጦሮ ሸሃዳው መትሂበር የትኹሜል፡ ቂይማም ኤላም። ኡሱእ ይትሜዘናዛል ዳይሀዋዝዞሉ ያሻዛል ኦር አታሎትቤን ተ ብላይ መድረሰቤ ዝሰጦ ቡጡስ ጠልሀያ ቁሴቤ አልታም። ሰቡብዞም ምን ሸሃዳ ሀላም አልታወ እቆትዞቤ አላይዞሉ ምን ፋይዳ አሸቤውን ታ።



ጉትቲዝነቤ ይትታወቆዛል ኢትዮ ሐረር ሙዳይ ትሉ ክላሆት ጋናው መኤሰስዚዩቤን ታ። ሂያች ሀረቃችዝና ምሻ ዛሉቦ ጌይቤ ባድ ክላሆት ትሉ ወቅቲ ህብሪው አሳስ አሹመ ሀፍ ባዩ። አጥጢቤ አጥጢም ዘልቲትዋወቁቤ ዋ ኢን ዋ ኢኑም ዘልትራኡቤን ታ ባድዝና ወልዳቸዮው ትላት ባዩመ ክላሆትዞሉ ለቤክ ዛዩ። ዩ የቀንሃል ሀልግር ተራኦትዝዩ መድዳ ባድ ዋ ኡ-መት ሞኽነዝን ታ። አሊፍ ባእ ባዩመ ሀርፊ ዝነቀሉቤ፡ ኡር ዋ ብር ባይቲቤ ዝትፊቀሩቤ ፡ መርመር ዋ መርመር ክልቲላህዱ ሽርሽር ዛዩቤ ዝማንነትዝዩ አስጣን ቱመ ምሻ ዛሉቦ አታይቤ ባድዝዩ አሻራ ሀልቦዩ። ዩ አሻራም ባድ መውደድ ይሎዛልመ አይደቤ ዋ ሙንኩተቤ ዩዲጃሉው ዘዩቆ አይዩ አፊት ዝታ ሀንጉልላ ዛሉ ኡሱእ አቅሊ ዋ ቀልብቤ ይበቅሊዛል ደድን ታ። ዩ

ደድ ዘቃበሮ እሳት ኩታን ታ። ይጠፉሚል። ወቅቲ ክለአገኘ ገንፈል ይላል።

ሂያች ሀጂስ ተውሊድ ሀረቃችዝና ክላሆት ጋርዝዩው ከፊቱማ ሐረሪ ዱፋንሉ ጀማቱይ ጀማቱይ ባዩ። ዝሰመአ ዘልሰመአሉ ዩምድዛልቀደ ቀብቀብቤ ኡሱእ ተስማመተ ። ነዲ ኡሱእ ዝገደዳ ዝናር ሀጂስቤ ምን ኑሽ ባይቲቤ ኡጋ ዳንዲ መቃየስ አትኹሻ። ሸአዞ ልህሙም አልታ። ልምዲ መነሰ፡ ኹንታች አልመትሚቻቸ ሰብብ ሃጃች ፈጠን ፈጠንቤ ይትከመሉኩታ ሞሽሉ ነሲብ አልሰጣም። እስታዞም ሀደፍዝዩቤ አልኤከሪዩም።

ዝቀበላው ክልመለእን ዝቅበሉ ሚጠቅኹቤ ሀልና ባይቲም ይወጅብበነሀል። ዘቀንአው ፈሪድ ዝቅ በል ዘበለላው ሀደግ ግረግቤ ንላና።

ዩ ዋጅባቱው መውጠእሉም፡ አዝዚያች ባድፎኝ ዞረዱሳ፡ ክላሆት ጋርዝዩው አማን ሀደጉቡናን ናርመ ዋርድያ መቃነን ናረቤነ። አዝዚያች ባድ ወረዱመ ኑግደ እስተዩዞዞ አላይ ኑግዳው ሰለጥኹ ክላዩ ሚሻ ቁጡስ ማጥቤ ይዲጅዛል ሐረሪ ሀረቃቸው ይትቁበልዛሉ ናና። ድባዩቤም ባድ መሌጠ ነሲብ ዘልአገኝናችሉ ባድዝነቤ ዛል ኩሸኩሸቲው ገልጌብጋርዝን ገረብደሉ ገበእ ባይቲቤ ኤዶት ኸድመ መሰጠቤ ተፋቀዱና። እንናቸው ክላሆት ጋር ጥልጥል ዘዩልኩተ አህሊው ነፊርዛን ዛረዱቡን አማናው መቁረሀሉ ጌበትና። ዩው ሞሽዝነቤም ልምዲ ረኹብነቤው። ቁህሩ ዛዩና ገልጌብ ጋር ሀጂስ አርረመ በጂህ መትፋቀድ የትኹሻዛል ዝታሉ ሸአዞ ልህሙም አልናር። በሽበሽ ወቅቲ ዋ ኡሱእ ታኹም የትሂብራልመ።

ዩ ዩኩተ እስታዞ ናሁቅ ኢርቱጭ አወስትራሊያቤ ዛሉ ሀረቃቸው ዝሀረሪ ጠበ ራዲዮንቤ መክለህ አልአቃነኑም። ሰሪሌ ሰሪው በሀርቤም በሀር ክልአትሚጃጃ ሀረሪያችሉ መፈረ ሉኸዝዩው ሚሻ ጋር ዱቅ ያሽዛሉ ናና።

ኤቀድ ይገብላው ይሳምታ ዩቅቤ ዝናር ሐረሪ ዱፋኑም ምሻ ዛልባ አታይቤ ዩ ደርመ ሮሪሳቸው ዋትኹ ሀልኹ ክላየ ሚጠቅዝዩቤ መቅናንን ኤገላ። ባድቤ ዛሉ ሀረሪ ኤቡያችዝናም በሪዝዩው ዘግ ዘርዝህ አሹመ ተቁበሉዩ። ዩ ሃለትቤ ባድ ዋ ባድቤ ቃጩቤ ዛልናችሉ የትራዕዛል ድልድላ ቸኸሉ። ሐረር ኩም አመ ወዩኸ ዝኩምታኝ ፈለክ አግድሮት የትዋህብዛል ሀቢዶኝሉ ቀኚት ሀረቅ ሞኽነሉም ፈረኩ።

ሂያች አይነ ቃሊ ዋ ኢሾታም ሀረቃችዝነሉ ትእዝነቤ ምስጋና ነገቢ ሀቅን ታ። ምስጋና መግበእ ሙጥጢም አልታወ

ዩ ኡኩ እስታዞ ዛልነቤው ዝታሪኽ ሐርአት ዳብሊቤ ሂያች እኩብ ኤቡያች ጢነዮ ወቅቲቤ ዘከመሎው ዘጋረድኔውሳ ዛሾ አታሎትሉ ሹሉምቲ መግኛ የሚችባዩዛል ኻነመ ተሪኤና። አዝዚያች ባድቤ ዛል ዋ ባድቤ ቃጩቤ ዛሉው ተስ ዘትቱሾኩታ እንናቸኽ ምንቤ ነኪህሰዩ ባነ። ሐፍቲዝዩ ኡ-መትዝና ስናንዞው፡ ታሪኸው ዲንዞው ዩለምዲ፡ ማንነትዞው የጡብቅመ ደኢፋው ገርጋሪ

ሉሀ3ቤ ይትኹተላላ

አር መሀጂጃሌ

..... ለሀ 2 ቤ ዝትኹተላ

መሰለጥ ይልቃል ዝታሉ ዩ. ሀደፍዝዩው የሚቹ ሃልቤ የከምሉከታ ሞ ዘከመሎ ምህራው ሆጂም ኻነ ጊሽ ቅራረትቤ ይሩከታ “ድል ሸሀን” ትሊ ወር ጊቤት ሚገልታኝ ጠብኢው ሀዲያ ጠብ ኣሸነመ ሱምዝዩቤ አቀረብና።

“ድል ሸሀን” ወርጊቤት ሀረር ኩማመ አግድሮቱው ይደግሲኩተ ዛሹ ሀረቃች ዱፉንሌ ሞ አርኩተዞዞም ባድ ክላሆትሌ ለቤክ ዛዩመ ቃጫ ባድቤ ክም ባድ ዘሃሩ ሀረሪያች ዱፉንሌ መትረኽብ ነሲብ ዘልዋፈቄናች ሱምቤ ዝትሰጥቲ ሀዲያን ቱ። ቁቡልዝናው ዝመለኸኹለነሌ አልለ መገን ንልበኹዛነ ስጦትንቱ ሞ ግድረበህ ተቀብዱና።

ድል ሸሀን ሀደፍዜም ሐረሪ ኡመትሌ ዝኩቱብቲ አርራው ፈህ ብሪኝ ሞኘቤ

ሀጂስ ዳንዲ መቅደድን ታ። ለሃችዜቤ ይመስሩ ለኻቹም ኡመትዝናው ሆጂቤ ይማጅ ሃልቤ ይትዌጠንመ ዝዳይ መንቀህቲሌ ጠብጠብ ሞሻ ይኹናል። ኡመት ኔሮትዞው ይዋፍቂ ኡገቤ የከምሊኩታ እሰበልበላት ደርሲ ከታራችቤ ሐረሪ አቂያች ዝኩቱብቲ አታሎት ያሹኩት “ድል ሸሀን” ክላሆት ታሻት።

ኅይተ ገርጋረበህ ዳይ ሀዋዝዚና ዝሰራንስር ንውጢ የሊጥመ ስባጫው ሪኻብቤ ነትቱው አፌትቤ ጭልማው ብርነቤ ይሂግንባ ኡጋው ገልጌብ ሞ ሀርጊሌ ለሃቹ ጠብን ተዩ ሞ ቀለምኹው ቁምሱ ድቤትኹው አሬህሱ ትላት “ድል ሸሀን”።



ሐረሪ ኡመት ኔሮትሌ አሳሲ ቀብታች

ዚትጠመሳው መሳመት ዛሉው መቁረህ ሞ ጠብጠብ ሞሻቤ ዩትኹተልዛሉው ኢሾትቤ መዌላ።

1. ታሪኽ ኣዳ ሲናን ሞ ጉርዱስ ስነት ሁጃችዚኛው መሳመት። ዩትዋረስበ ዩሊቅባ ሞ ዩበድሪባ ኡጋ። መላ ሞ ሄላ መፋጫ
2. ዳይሀዋዝዞ ኹንቲ ሞ ወቀቲበህ ዲንዚኛው መትሌመድ መስራጫ ሞ መዘጋገህ
3. ደርሲ መሸማመቅ ሞ ፈርቂ ቢላይ መትኒዋጥ አልታ መትዊራረስ



ሐረርጌይ ኩም ስንኒ አግድሮት 2007

ለሀ1ፊ ዚትኹተላ

ዩ ሃለትቤ ሀርአት ጂሃቤ ዛሉ ሀረሪያች ፊትዝዩ ክም ባድፎኝ ሸር ባዩ። ጊዲርያምዞ የሀፍቃ በርናሚጃም ክልዘገሃ ዲጃ። ሐረር ሁስኒ መንግስቲም ጊዲርያምዞሌ መስሩፍ ሞ ኡሱእ ታኸ መርመድቤ በለቹዞው አድጋገሰው። ማጥ ዱፉንቤ ዛሉ ሀረሪያቹም ፊትዚዩው ባድፎኝ አሸ። መፌሪዞ ጌይ ጋራቹው ሁሉፍ ባዩመ ሳትቲ አህሊዝነ ኢቶቢያናችዴ ዱቅ ባዩ። በለቹ ደባልዞም ባድዱፉን ዛጥ ኻነ።

ሐረር ሞ ሐረሪያች

ጥንቲዝዩቤም ኩልሉ ጦር ሞ ኩልሉ ዳብሊን ተዩ። ሐረር ባይቲ ቁጥጤ አታይቤ ዩዲጅዛሉው ባውነትዜቤ ክልኻደምታ አይነትዜቤ በረህ ትልመ ተትድላድላዛትሌ ባይቲ ዚዲጀቤው ቀሚሱው ያጭመ ሐረሪነት ቀሚሱው ይለብሲኩተ ታኸዛት አይ ባይቲን ተ። ላ-ዲንዞ ወላ ቀቢለዞ ዘልኤከሬውቤ ዩ ሁስኒ ኡሱእን ተኝ ክልቀለጠ ይልቃል ሀልግር ሐረሪ ሁስኒ ኡምመትን ተ። ሐረር ቀቢለቤ ዲንቤ ዲነትቤ ፊት ዘልቲሂጀቤውቤ ኡሱእ ይነብሪባዛል ባድን ተ። ሐረር ባይቲ መትጢዋወርመ ክህለቤ

መስሳ መንበርቲሌ መሀጂጂ ባይቲን ተ።

ዩ ዝታሌምን ተ ሐረሪያች መዳበያ ሞዩው ዘግ ዘርገህ ሞሸቤ ኢቶቢያ ዱፉንሌ ዝመትቁራረብቲ ለመነ ዛሸታመ ሁስኒያች ዱፉኑው ደድ ዘሶርታ። ኢቶቢያ መንግስት ኤቡ መለስ ዜናዊ ጊዲርያምዞ ለኸቤ “ጌያችዝነ ዱፉንም ሐረር ኩተ ዩኹንሉናው ንኸሻነ” ዛዩዉም ኡሱእ ደድ ሞ ተውፊቅቤ ሐረርቤ ዛልነቱው መኬበሌን ታ። አልለ ደዱው ባድዝነና ኢቶቢያ ሞ ሸርቲዜቤም የንሲራ። ባድ ክላሆትሌ ለቤክ ዛኻችመ ባድ ዘሃርኻቹዉም “ልማይ ሪኽቡ!” ንላነ።



ጨቅቲ ሙዲያቤ



አሀድነት



ሺብሪጽታ / Chairperson

አሀድ ሚሽን ለፎቻው፣ ሙጋዲሙ መንጅነት ቤ ደምጋዛል አልታ የትናንግዛል

ኢሾት መንጅ / Executive

አፎቻ፣ ሙጋድ ታኑኑው ዲላጋ ለአይቤ ዊልዛል አልታ የትናንግዛል

ላቂ ኢሾት መንጅ / Board

አፎቻ፣ ሙጋድ ቤ ቀዳም ኤቀድነት ቤ ታኑን ያጭዛል ማ ኢሾት መንጅ ዲላጋው ደትኼታተላዛል

ሀቢዲግ / Committee

አፎቻ፣ ሙጋድ ኦስኩቤ አሀድ ዲላጋው የሲ.ጠ.ኩትሌ ዚትመላሁ ጌሳች፣ አሀድ ሚህራው የሚህራኩት ዚትጸባላ ኦሱላች መንጅ / Leader

መቀናኛነት ደስጠ

ገርዳስ / Secretary

ከተታቢ፣ አሀድ ኦሱቤ ዲላጋው ኩቱብቤ የዊልግ ሁጃቸው ደላሀዲዛል

ሽዝነ መላቅ / Treasurer

ኩሉ ዲገት ቀዳጎት ሁጃቸው ደትኼታተላ ማ ትጎደድረዛል

ሚኸታይ / Vice or Follower

ደትኼታተሌ አልታ ቤሄርዛል

ዲብላጎ / Assembly

መሳመት

ኦሾሌ / Main

ዚገራ

ጎሳ / Member

አፎቻ፣ ሙጋድ ኦስኩቤ አሀድ ሚሽ

ሚሽ / Individual person

አሀድ ኦሱላ

ሂርቃሊት / Title or Agenda

ኦሾሌ የሳኑዋል አልታ ገልጌብ ያሽወዛል ሃጃ

ዊቃርት / Structure

አፎቻ፣ ሙጋድ ሚህራ ጋር፣ ሲጃቤ ዚትጥሀላ ሃል

ሂብሪ / Question

የትሂብርዛል ሃጃ

ጊርጋቦት / Reply or Answer

አሀድ ሂብሪኤ የርገግወዛል ጀግብ

ሂሳርት / Responsibility

መስኮሊድ፣ አሀድ ሃጃቤ ደትሄበርዛል

ወርሽኦት / Propaganda

ወር፣ ሱሽ፣ ሪኦት መሲራጫ

ሽኦት / Propagation

አሀድ ወር አልታ ቤርና መሲራጫ

መጥላሁት / Letter

ሪሳላ፣ ጠላህያቤ ሱሽ

ቡርዳ (ሚውዳቅ) / Address

ደትኩሳ ስታይ፣ ደትሪሽዎ አታይ

ሀንካ

መቀነት ማ

አሀድነት ባሎት እኛ ሀረሪያች ሙጥጠደቤም አልታው ዝቀሩ ኢትዮጵያ ኦሱታች ዱፋንደቤም ዛጎን ማ መሸግር ይትግራገብመ ይትቁቀልዛልን ተ። ዩ. ዩ. ንግዛል ሰበቡም አሀድነት ዳይጋግ ይትቆሽል ሞ ይትዳመስበ። ባድ ይኒር ሞ ይገርብ ጠለስበህ ቁጡር ዝታሌን ተ።

አሀድነት ሞ መትካህል ይሉ ጨቅቲያች ይትውራረሱመ ይትሴነንዛላች ዩኹኑመ ነገኘዮሆነ። ባድ ሃጃ ሞ ዳይጋግ ሃጃ ገልጌብ ሀፍ ዛየሳ ቂጥጤም “አሀድነት ምንሌ አይንበረና አውንተ ምንሌ አንቲካህል? “ ይልዛሉ ሀብሪያች መሰቤ ሀፍ ይላሉ። ሰበብ ሞ አሀድነት ይትገለግዛል መትካህልን ታመ። መትካህል ሀልግር አሀድነት ይትረክባል። መትካህል ኤልግር መትቃበጥ ይትኹተላል። መትቃበጥ ሞ ትርፊዎም መትድማመስ ሞ መትብኻሽት ዩኹናል። ሁጀሌም ባድ አፎቻዝን ዝቱ ሰማሊያ ባድ ወልዳችቤ ዝበረደ ጥፍኦት አልመትካህል ዘትኹተሌው ኸሳራው መጥቀስ ዮቃል።

አሀድነት ቅባጭሌ ሰበብ ዩኹንዛል ዝኡስጡ ሞ ዝቃጩ አምረታችን ተዩ። ይሌም ፍህዝነፍኝ ገርገብ ነልመ ዘንቲካህልኩተ ሞሽሌ አዳወ ዝቆሀቤን ዝሳይኮሎጂ ሱምሚው ሚገል ሀጫርቤ ነሃጅ።

እስአሀድ ኦሱላች “ ሀበሻ አይሰማም። የተረገመ ሀዝብ ነው። ሀበሻ ይትካህሉ ሚል። ሀበሻ ሃልበ ኡመትን ተ” ይልዛል ጭልመ ሞ ሱምሚ ባሎትቤ ፍህዝነው የቂሽዛሉ መስመእ ከፍ የቲሻል። ዩ. ባሎትመ የሀማሊዛሉው ቃኝ

ብላይ ገልበጥ ያሾመ “እልላሁ አትቲካህሉ ባይን” ባይቲቤ ኩፍሪ ደረጃ ዩቡርዱዛላቸው ጠቢቅቤ አደብ መትሌመድ ሞጅብ ዝናን ተ። አልለ ዘላዬው ዛየ ዛየ ደለሀ። ሀበሻ ዱፋንቲም ኻን ጌይ ኦሱሉው አልላሁ አትካህሉ ባይቲዞሌ አሀድ ኦሱሉም ሁጀ የቀርብሌ ይፈርኩሜል።

አላይ ገረብደሌ ላክን ሚገል ሙሃጅራቸው ዝትቁበልቲ ሀበሻ ባድ ሞኸነቤ። ሚገል አዛን ዛሹ ላዝም ብላል አልሀበሽ ሞኸነዝዩ ሞ ሚገልታኝ ሰላቱል ኹይቤ/ ጀናዘ ዝትሰገዴው አሀመድ አልነጃሺሌ ሞኸነዘ አዝዞኩትም ነቢ መሀመድ (ሰላት ሞ ሰላመት የንበርቦዩው) ዝላኹዩ መጥለሀታችቤ ኤቀድ እንግርቤ ዝትኩተብቲ ሀበሻ ነጋሺሌ ሞኸነዝ ዩ ኡመት ከራመ ሞ ግድረዞው የቀንዛልን ተ። ቁርዓን ሱረ 5 ኣያት 83 ሞ ሱረ 29፣ ኣያት 46ቲው ገርገብ ባይቲመ መሄጃም ይነፋል።

ገልጌብ ዝነ ሀፍቲ ፎኝ መግረገብ ቤም ቂጥጤ አሀድዝናም ሞሻ ፍህዝናው መትሂበር ዛልበን ሽኦ ሀል። ዩ.ዞም ምንሌን ታ አሀድ ዘንኹነት? አውንተ ሰ ምንሌ መትካህል አሞሴና? ባይቲ ሙጥጠም አልታው <<ምንሌ አሀድ ኡኹናና? አልታኑም ምንሌ መትካህል አትኹሽ? >> ባይቲቤ ፍህዝናው ፍህዝነቤ መትሂበር ይነብሪበነህል። መትሂበር ሙጥጠም አልታው ግርጋቦትዞውም መስጠሌ መጌበት ይትቁቀብበነህል። ኣን አሀድነት እኸሺነኸ ሞ እኸሹሚኸ? ምንሌ እኸሹኸ? ምንሌ እኸሹሚኸ? ዩ.ው ዛነመ ፍህዝነ ቃኖቱው ዘቤጅነሳን ተ አሀድነት ዘሞሴን ሞ ዘል አሞሴ ነንቱው ነሪምግዛነ። ቤሄርዞም አሀድነት

ኩት ሞ ኹኖትዞ ፎኝ መትማጀሌ የሚቻል።

አሀድነት ባይቲ ሀጫርቤ መትካህልመ መስሳ መድለግ መፍረክ ባይቲን ተ። መትካህልሌም መትሂራረግ የትኹሻል። ዩ. ባይቲም አሀድነት ፋጫ ሪኻብን ተ ብላይ ቡሱልዞ ዛል ብስሲም አልታ። አሀድነት ቂይመ ሀላ። ይትከፈልበህል።

ዩ. ዝታሌም አሀድነቱው ማን ይኸሸህል? ምንሌ ይኸሸህል? አሀድነት ሙንኩተቤ ኸ ይትረክባል? ይሉ ሀብሪያችሌ ግርጋብ መስጠሌ ንጊብታኑ።

መንቀህቲ ፡ አሀድነቱው ጠቢቅቤ ይኸሸዛል መንቀህቲ ዛላ ኡሱእን ተ። መንቀህቲ ይትረክባሉም መቅረእቤ ዩኹናል። ዩ. ዝታሌም ጎይተ ገደረመ ተቤጀው ሉኸዞ መሀመዱ(ሰላት ሞ ሰላመት የንበርቦዩው) “እቅረእ” ! ባይቲቤ ዝነቢነት ሀደፍሌ ጅብሪሉው ሉኸ ገፈረሉዩ። ኢ ነቢ መሀመድ ወቅቲዞቤ እተ ማጥ ሀርፈው ዘልነቀሉ የኸኑ ማም ዝፍሂያ (እሰፕሪቹ አል) እቆትቤ ሀንጉለዝዩ ሞ ቀልብዝዩ አፊሸዳን ናር።

ሀንጉልለ ብርነ ጎይተ ስጠ የኸኒማም መንቀህቲ ዳንዲሌ አሀድዞ መቅረእ። መጋረድ ፡ መቤጀ ወዩኸ አቡረ ሞሻን ተ። ኡሱእ መድረሰቤ (መቅረእቤ) አውንተ ዳይጋግዞ (ልምድቤ) መንቀህቲ የገኛል። ወዩኸ ዝኸሸሉውሌ ቁድረዞቤ ጎይተ መንቀህቲ ይስጠህል። መንቀህ ባይቲ ሀጃብ ፍቅ ፡ ብርነ ፈሀ ይልበ ሃል ዝታሌ ኤሄር ሞ ኤቀድቤ። ብቶ ሞ ቀኝትቤ ዛሉው መሪ ይትፈረካል።

ሉሀ 5ቤ ይትኹተላል

አሀድነት ...

ለሀ 4ቤ ዝትኼተላ

ዝነቅሀ ሽርቲዞቤ ዛል ኹንቲው መጋረድ መ ራ መ ጥ ሙጥጢም አልታወ ሆጂ ሞ ጊ ሽ ዞ ወ ሆ ሚ ች ኩ ተ ቤ መቃየሰሌም ዋቅዕ ሁጃች ይነብረሀል። ሰብብዞም መንቀሀቲዞ የትፈርከሀል። ዳይሀዋዝዞ ዳንቤ ሞ ዳንያእቤ ፋይደ ያሸኩታም መቅናነኦቲ መስጠሌ የትፈርከሀል። ይሌምን ተ አሀድነትሌ ይከልሁዛላች ሞ ለቤክ ይልዛላች ዝነቀሃች እንተዩ።

ሀደፍ(ግብቲ) ፦ መንቀሀቲ ዛለ ሁሰዕ ሀደፍ ይነብረሀል። መንቀሀቲዞ ይትረክሌም ኻነ ይትታወቅሌ ይትፈረካዛል ዝቃነነሌው ሀደፍ ቤ ሞ ሀደፍዞው አታይ መባረድሌ ያሻዛል ኩሽኩሽቲቤ ይኹናል። ዝነቅሀ ዘልነቅሃው ፍርግ ያሻል። ይስጣዛል ፍርግቲም ዝዲን፡ዝስያሰ፡ዝዲነትጌይ፡...ወ ዝተረፈ ሽኢቤ ይኹን ይኹናል። ዩ ሀደፍዞው አታይ መባረድሌም አይነ ሀደፍ ዛለ (ዛለያች)በሀ መትራአ መ መትሂራረግ የትኸሻል። ዩ መትሂራረጉም አይነ ግብቲሌ ክህሊቤ መድለግሌ የትፈርካል ባይቲን ተ። መስሰ መድለግሌ፡ ዛል አቅሊው፣ ዛል ኡሰእ ታኹው ሞ ዛል ዳነትጌይው ዳይቤ አሀድ ሀደፍሌ መዋለሌ ፕላን ሞ ፕሮግራም ያሸኩተ መንቀሀቲዞ የትፈርከሆል። ሀጨርቤም ሀደፍቤ አሀድ ሞኽነ ፈረኩ ባይቲን ተ።

መሀዲጀ ዩ ኹን ለነ ኩ ተ አወስቲራሊያ አሸር ጀማእው ነሂጅ። ዝዲን አሀድነት ረኸቡ። ብሊዞ ምን ኻነ ባነግር ዳይቤ ዝዲን ደርሲ ረኸቡ። ማን ነት ዝ ዩ ው (አደዝዩው፣ታሪኸዝዩው) አቁመ ወልዳችዝዩሌም ማንነትዝዩው የወርሱቤ ሀሉ። ዩ ልሂምቤ ዝትረኸበ አልታም። ወቅቲዝዩው፡ዳነትዝዩው፡እቆት ዝዩው መኮአ ሙጥጢም አልታወ ሂሞት ሞ ዝምሳሰለ

አልሙጅ ሀንቅፍታቸውም ዘልፈሩቤ ተጠሎማን ተ። ሀደፍዝዩ አታይ ዩቡርዳኩተ ዝቅበለ! ጎይተ ገርጋሪ ዩኻኹ ንላነ።

አኻም አወስቲራሊ የቤ ዘልወጠእነቤ አላይ ዝሀደፍ መሀዲጀ ነንሰእ። ጌትርፕል ዜድ አውንተ አወሰትራሊያ ዝሀረሪ ጠበ ራዲዮን አትዋሀቢያች ስናንዝነቤ አደ ሞ ታሪኸዝፍው መትዋረስ ሙጢም አልታወ ባድ ሞ ባድቤ ቃጨቤ ዛልነ ሀረሪያች ዱፉንሌም ዝተራኦት ወለገት ከፈቲሉነ። ዩው ዩ አታይ መባረድሌ ዝጌበር ዳነትጌይ፡ ዘኮኦ አፌት ሞ ዝማገዶ ወቅቲው ዝጭንጨህ ወለገትቤ ዝትሳአደ ብላይ ዩ ቃሌ ዩ ፈርኩሚል። ሂያቸውም ልፋኦትኾ ፍሪ ያሸቤ ሀልወ ጎፉቦ ንላነ።

ዩቤ ላይሌ መሀዲጀሌ ዝነሰእኔዩ ኮኦት ሰምታናች (ግሩፕሰ) አሀድ ቻለ አሀድነትን ተ ዛለዩ። አሸር ጀማእች ሞ ጌትርፕል ዜድ ሰምታናች በጂህ ይትዋፈቅዛል ምሀረ ዛለዩሌ መትቅራረብቤ እስአሀድ ሃጃችዝዩው ዳይቤ የከምሉቦ ዳንዲው መቃየሰ ይነብረብ የሆል። ዘይቲዋፈቁቡዩ ቀብታቸውም አሀድዞ አሀድዞቤ ዘልዴደቀቤ ሚሻ ሀደፍዝዩኩተቤ ምሻ ሩሀዝዩሌ መክመል መፍረክ ይነብረብዩሆል።

ጌትርፕል ዜድ ራዲዮንቤ ፈቀር የትፈቅሪሌ ይፈርካል። አሸር ጀማሰ መውሉድዞው መዲሀዞ ሞ ዳንያ ሉኸዞው ወቅቲ መልሀድመ ዝሀረሪ ጠበቤ ሁሉፍ ሞሽ ይፈርካል። ፈርቂም እሳልበዩ ዩ አይነቤ ተራኦት ዝዩው መዛየድቤ ክህሊቤ መድለግ ኤገሉግር ፋይዳን ተ።

ዳይ ሀዋዝ ደረጀቤ አሀድነት ዛነሳ ጥልፊ (ክርስ ሰክሻናል) ሞኽነ ሀልበ። እስበልበላት ሞ ተምሳሰሎት ዛለ ምሀረሌ ዝትዌጠኑ ሙጋዳች ሞ

አፎቻች ሰንኒ (ኡምሪ) ሞ ጂንሲ (ሲክስ) ዘልላዩቤ ዛለዩ ዳነትጌዩው፡እቆቱው ሞ ኡሰእ ታኹው ኡመትዝዩ ዝዳይ ሀደፍሌ የሚችኩትቤ ዩልበ ኡጋው ሀርጊቤ መቃየሰ መፍረክ አሀድነት ዳንዲው የቀንዛልን ተ። ዩ አይነ አሀድነት ሀልግር ዳይሀዋዝ ጉቲቤ መትዋፈቅ ይነብራል። ሰላም ይደግሳል። አሀድነት ዛለ ዳይሀዋዝሌ ጠቢቅ ጋርሀዋዝ ይነብረሀል። አሰች ሞ ሽቲቤ ይትረኸብዛል ኸላፉም አህሊ ሞ ራገቤ ሸሬአ ሃልቤ ሀልሊ ይረኸባል። ዱሙም ቤም ዳይሀዋዝ እልሚ ሞ ዳነትቤ ሀፍ ይላል። ዝመሀድ ሞ ዝእንሳኒያ ሀቃች ዞም ይትቁረህላ ሀል። ማንነትዞም ይታወቅመ ባድ ደረጀቤም አታይ ይትሰጣመ ባድዞሊ አታሎትዞው ያሻል። ዩ አይነቤ ታሪኸዞው ዝወልድ ወልድሌ የወርሳል።

ሀረሪ ኡመት ዩ አይነ አሀድነት ይረኸብሊ ይፈርካዛል ሆጂ ወቅቲቤ እስበልበላት ባዳች ሞ መጋላችቤ ጨህ ዛነ ሀረሪያች ዳይ ሀደፍዝነሌ ኩልሉ ዳብሊ ዝተ ውቃሮት ተሀይቤ ዝትሀፈቅነመ ባድዝነ ሀረሪው ሞ ሀረሪ ኡመቱው አገዞ ከትዞም አይዝነ ኢትዮቤያው መትፋቀድ ዝፈረክነላን ተ።

ዩው እሾት ዋል ሞሽሌ ሚገል ቁጥጤ ሀረሪም ኹንቲዞ ሞ ኸሾናችዞ ኩተቤ ቶየ አፎቻዞው ሙጋድዞው ሚሻ ዛልበ አታይ ቤ መዋጠን ይነብረብሀል። ቤሂርዞም እስበልበላት አታይ ሞ ባድቤ ዛሉ ሀረሪ ውጥኒያችበህ ተራኦት ሞሽቤ አሀድነት መቃጠር መ አሀድ ድካ ተሀይቤ ዝዳይ ሀደፍ መክመል ፎኝ መዴጀ ይትቱቀብበሀል።

ጎይተ አምሪዝነቤ የትደበልባመ ኹይሪቤ ንጊዝመ አታይ የቦርደን!

አልለ መገን

ሂብሪ ሞ ግርጋብ ቻለቤ

1. ኢናይ ዲል ወንበራ አይ ሐረር አሚር ሚሽቲ አልታ ሳም ኢንናፋ?
2. ጡምጡም ሚንነትዞው ቲቃኹ?
3. አሀድ ሚሽሌ ሺኢሽቲ ሚሽታች ሀሎ። አሀድ አያም አስራ ሀሚሰቲ ወጨራቤ ኡናች አዲጀማ ጡን ሂልቂቤም ኻነ ወጨራቤም መስ መስ መስኦድ ዲርቂ ኻነቤው። አሀድ ታኝ ወጨራ አሀድ ጡን፡ ኮኦታኝ ወጨራቤ ኮኦት ጡናች፡ ሺኢሽታኝ ወጨራ ሺኢሽቲ ጡናች፡ አስራ ሀሚሰታኝ ወጨራ አስራ ሀሚሰቲ ጡናች ሀልቤ። ቂጥጤ ወጨራም ሚሻ ተራ ሂልቂቤ ቤ ጡናች ብዝሃ ሀልቤ ግራ ዩ ሚሽ ሺኢሽቲ ሚሻዝሌ ሚንኩትቤ መጎሳ መጎሳ ዩሲዲሌ ዩፈርካል?
4. አን አሀድ ወቅቲቤ ሰላት ዩሰገድበኝ ዜናርኹ መስጊድማ አኸአ መሲሂያች (ክርስቲያናች) ኢባዳ ያሸቡኝዛል አንተኝ። ሆጂም ኻነግር ሰልፊ ቁርኣን ኡሰኦች አመት አመትቤ ቁርኣን ሞ ፋተሀ ያሸቡኝል። አን አኻኢ ማንነትኝ? ቤቀድ ሱሚኽ ማንነትኝ?

ግርጋብዞ ዩትኼተላዛል ዲል ስህንቤ ዩጨሌ

መክማካች ቻለቤ



ጅምጅምቲ ሞ ድምድምቲ ?

1. በሀር ሚጃሌ ዩትሄወሱሜል
2. ካኬ ፈረዝ እንታ ባቲ በቀል
3. ኡፍ ኢንፊዮ አፍ ዩቡኩሜል
4. ሀለኝ ባዳቲ በረሰ ነቱ የበርሳል
5. ሩሀሌ ዛዮ ሹር ዩቀጥኑሜል
6. ሃርጊቤ ዛሾ ፈስ ዩጨቁሜል
7. አሰሊ ዘልተ አሳሰቤ ዩቡኩሜል
8. ዘሌል ዩፋጭዛል ዛሳቤ ዩጨል
9. ዘደደሌ ኢስቲፍሬኑክ ያሾሆል
10. አሀድ ኢጂ ወሰክ ያጨሜል
11. የገሊ ወልዲ አው ሞ አይ የትቁትሳል
12. ኢጂቤ ዛሾ ኩሁል ኢን የጠፋል
13. ጨጭ ሀቁው ኒጃት ያጨሀል
14. መትዞ የትረኸብ ቢኪት የሙሴሜል
15. መጎት ካድሌ አይርር ኩፋይ ዩነሶሆል
16. ጋሚላ መርሰሰ ተፈጂ ግር ወጨራሌ የቀርጡሜል
17. መገራ ዊጌርዞ ዱሰቤ ሁሉፍ ዩጢማል
18. አጣቢኛ ጡለኦሌ አጣቢኛው የቀጨማ ዩገሾሚል
19. ኡን ቁርራቤ ቀብ ዩላል፡ ኡዙን ሩሁቅቤ ቀብ ዩላል
20. ኡሱኦ ኢሰድባክ ዛዮ አታይ ዩቀብጡሜል
21. አልኪሾናሌ ጉስ ቀርማም ዩትነቀሉሜል
22. ደርጋ ባድ ዩኹኑሜል፡ ሀርሺ አተዋቅ ጌይ ዩኹኑሜል
23. ዶኾን ተሰሀቁ አሀድ ሲንዜ ኩም ያጭዛል
24. ዘደቃ ኢንጨቤ ከልክ ሞ መንጨ ዩበዝሃበሀል
25. ደንታ ካድሌ ቡቺ ጎጋቤ ዩኒኦሆል
26. ሪኡኝ ሪኡኝ ዩልዛል ሺምቁኝ ዩልሌ ቁራቤ ሀል
27. ገንጎራ ወልዲ ቡሩቅዞ ዩትወለዳል
28. ዜትሃጠቡቦ አታይቤ የፋይሆል
29. ሀይ ቀበጠግር አብሰቤ መለ ያሾሆል
30. አፍ ዛላው ዜቄሀ ደራሂምቤ ዩክቦሆል

አወሰትራሊያቤ ዝሀረሪ ጠባው መትፋቀድቤ ዛሊ ሀረቃችዝን ምህሪዚዩው (በርናሚጅዚዩው) መትማለእሌ አፊት፡ወቅቲ ሞ ዲነት ክልአኮኡ ኡር ብር ይሉዛል አድዳጄዩማ ዘልታነት ግልጠን ተ። ሰበብዞም ቅጥጤ አሀድዝናው የትሪሞውጥዛል ዝንብሪ ገደዶት አዝዚያችቤም ዛልበዩነት ድርሬን ታመ። ዩ መንዘረቤ ዝሄጅኔውሳ ዩ ሀረቃችዝና ኡር ሞ ብርቲ ዝሀረሪ መሀድሊ ዛልበዩ ዝገረብዝዩ ዝታሪኽ ፈርዲው መክፈልሌ ሞክነዞ ኢርኩተ ጨህ ዛዮ ሸእን ተ። “መክቲት ሩሀዜሊ ክልነደድቲ አላይዞሊ ብርነ ትሰጣት” ይሉዛልኩተዞ ሀያች ሀረቃችዝናም ዝረኸቦ መንቀሀቲ ብርናው ጢት ዘቴሀርናችሊ መክቲት ክልሰጡናን ተ። ኦር አታሎትዝዩሌ ኹይሪ ጀዛዕ ባይቲቤ ክም ሉኹፎኝ እትማጃኽ።

ሞይዞ ፌብሩወሪ 12/2007 ይመስለኛል። አወሰትራሊያቤ ሁሉፍ ይልዛል ዝሀረሪ ጠባው ከፈትኹመ እትጤነብዛኽ “ጅምጅምቲ” ባይቲ ምን ባይቲን ተ? ቲቁዛኻች ሀልኹግር ኤምዱና ባይቲቤ ጌሲ ካሚል ዱሪ ክላሆት አሸ። ዛቄው መራብሰቤ ዘይቤኸሊ ካሚል ዱርሪ ክላሆትዞ ቀልብው ዝነከኦው ጌሲ ኢልያስ እፋቱም ወቅተንዞ ትእዞቤ “ጅምጅምቲ” ባይቲው ዩቃ ይነብሪግር ሚመድሊ ተራዲነትዞው ገበእ ባዩ። ዩ ኮኦት ሀረቃች ሀብሪ ሞ ምድዳው ዝሰመእኹሳ አኑም ኡቃቤ ዝገረቤ አታሎቲው አሸኩት ቀልቤ ዘው ባቲ። “ዛላቤ ዝቆረሰ፡ አልመረሰ” ባዮው አኑም ዝገረቤው ገበእ እላኽ።

ጨቅቲ ዱፋኑም ብቅቲ ሀላ። አሀድ ሃልቤ ይትወለዳል፡ ይሊቃል፡ ይባልኻል፡ ይራጋል

ወዩኽ የፈጃል። መሀጂጀሊ መዳይ ትሊ ጨቅቲው ነንሰእ። ጥንት ሀረሪያች መሀወ መክተት ዜገሊሳ መዳይ ይልዛል ጨቅቲ ተወለደ። ኡሱእደቤ ጨቅቲዞ ቅብላን ክልአገኛ ጨህ ባዩሎ ሊቀ። እጂ ስነት መዝገህቤ ዝትሊያዩ መሀዋችሊ እሰበልበላት መዳይ ተደለጉ። መዳይ ይልዛል ጨቅቲም እጂ ስነትቤ ባለኽ። እራዝ መዳይ፡ ጉፍተ መዳይ፡ ብሸኻ መዳይ፡ ጨቅቲ መዳይ ባይቲቤ ክልዝጋዝ ሊጠ። ሀጂስ ስነት ሞ ሀጂስ ተሀሲብ ገዲድ ጨቅቲሊ ቡርቀዞን ተዩ።

“ጅምጅምቲ” ይሊ ጨቅቲው ደፍደፍቲ ኢንቤ ነሃጃበሉ! እላው ሆጂ ይትሴንንዛል ስናንዝነቤ ዩ ጨቅቲ ዝቦአቤው አታይ ሀሊ? አን ገረቤደሊ አልዋፊቁኙም። ዩ ጨቅቲ ስርዞ ምን ተ? መፈተሽሊ ስርዞው ዝሄጅኔውሳ “ጀመጀመ” ነገኛነ። ሐረሪ ጨቅቲ መዳዩው ዝከፈትነሳ “ጀምጀም” ሞ “ጃመ” ይልዛል ንረኸባኝ። “ጀምጀም” አፍቤ ይዲጅዛል ነትቱ አይነ ዝኻነሳ “ጃመ” ባይቲም ዘይአጋርዲ፡ ፋዙዝ ባይቲን ተ። ጃመ ስርዞ ኮኦትዞ ስናንን ለሁድ ዝታሌ ኮኦትዞ ስናን ጉቲቤ ዩ ጨቅቲ ዛለ ተዋረሶቲው የቀነህሀል። ላክን “ጅምጅምቲ” ሌ ስርዞ ዩኹንዛል “ጀመጀመ” ኤሉም።

ዩ “ጅምጅምቲ” ባሎቲው ዘገኝነቤው ፈቀርቤ ከትታቢዞ ጨቅቲዞው ዝትናፊኤው ጠብ ትሊ ጨቅቲው ስፋ ሞሸሊን ተ። ወደል ጠብ፡ ቀጨን ጠብ፡ መዚክ ጠብ፡ ሀፍ ጠብ ሞ ሰስ ጠብ... ወዝተረፈ ንላዛነ ኩትዞ ሐረሪ ኔሮት መጋድ ምን አይነ ጠብቤ ከለሃው ዩቀነሊንተ “ጅምጅምቲ” ጠብ ዛዩው ። ሀጂሊ ሞ ፡-

<< ጅምጅምቲ ጠብቤም ሀረሪያቸው አፊራ>>

ይላል። ጠበባህ ዩሊጥዛልመ ቁርሪ ሞ ሩሁቅቤ ዛሊውም መሶሪ ይፈርክዛል ልሀዳኝ ሉኽ ዛላ ጨቅቲ ድምድምቲን ተ ብላይ “ጅምጅምቲ” አልታም። ድምድምቲ ዝዲጀው ከረቡጠብ ኩት ድምድም ይልዛልቤን ተ። ዩ አይነ ቀቢሊ ጨቅታች አኖሞቶፒኦኦ (onomatopoeia) ባይቲቤ ይታወቃሉ። መእናዞም አሀድ ሸአው ወዩኽ እሾቲው ጠበባህ የትቃፍጢዛልቤ መጥሪህ ባይቲን ተ።(the naming of a thing or action by a vocal imitation). መቁቀልሌም ጥዝባለ፡ ድግድግ፡ ጠህጠህ፡ ጉሩርባዩ፡

ጠህእኸ፡ጉምጉምባዩ፡ከከህ ሞ መሶላላች። መ አን ኢኔቤ ሞ ውቅርዞ አሳሰቤም ዝትሃጀሳ ወቃርዞ መትናፈኦ ዝናረቤው ድምድምቲውንተ። ድም ! ድም ! ይልዛል ጠብ ቁርሪቤ ዛል መጥጢውም አልታወ ሩሁቅቤ ዛሊውም ይሰምኩተ ሞሽ ታኽ ሀሊ። ሰበብዞም ድምድምቲ ጠብ ከረቡ ሞ መዳፈኦ ኩተ የኩህክዛል ጠብ አይናን ታመ። ድባዩም ጨቅቲዞ ዝጠሬው መእናው ዘጋረድኔውሳ ከረቡ-መዚክ ጠብ ሀሊ። ወ አኸኻም ሩሁቅቤ ዛልሌም ይጢም ሞ ይዘምዲ ሃልቤ ዱቅ ይላል። ውቅርዞ ሀደፍ ሉኹው ዝሄጅነሳም መጋድዞ ሉኸዞው ሁሉፍ ሞሽ ዝኸሼው ባድቤ ዛሊ ሞ በሐር-ማዱቤ ዛሊ ሐረሪያችሊ ዝታሌ ክላሆትዞው/መፌሪዞው ዛሼው ድምድምቲ ጠብቤን ታ ይልዛል መርቲፎኝ ንዲጃነ። ቁርሪቤ ዛሊም ሩሁቅቤ ዛሊም ኤዙንዞው የቃኒመ ይሰማኩተ ምን ትጢሚ ድምድምቲ ጠብቤ ሉኸዞው አሰራጩ ባይቲን ተ።

አላይ አሀድ ጠብቅቤ መጋረድ ዛልቤን አኸኻም ጨቅ (ሀርፊ)

ሩህኻድ አለፉው ሩህሌ መቆጩ

ኸላይኛው አሁን አመት ሩህኻድ አለፍደው ሩህሌ መንሰእ ሀቅ ሀላ። ዩ ሀቅ አሳሰቤ ሩህኻድ ቀዳያዎው ሩህሌ መቆጩ መቃጠር ይፈርካል። ባይቲም ዝስያሰ ቃኖትዎው መምለህ መሌጠ።

፡ ዝዲነትጌይ ዳንዲዎው ሀርሪቤ መቃየስ ፡ ዝዳይሀዋዝ ሃጀ ዋ አደዎው መባለኸመ መኔራሌ ሙሉእ ሀቅ ሀላ ባይቲን ተ። ዩ ሃጃችዎው መክመልሌ አሁን ኡሱእቤም ኻነ ውጥኒቤ ወዩኸ መንግስትቤ እዝኒ የትኸኻሚል። ሰብዎም ዘይቲመረሱ ሀቃችዎን ተዩመ። ታኸቤ ተደደቀመ ተመረሰግር ዘልተ ሁሉፍ ያሸዩሌ ተራዲ ዘይኸንበዩ ሀቃችዎን ተዩ። ነፊሱምን ተዩ።

አሰሊ ዋ አሳሰቤ ሩህኻድ አለፉው መንሰእ ሀቅ ባይቲ አሁን ኡመት ጊሼሌ ይጡኻኛል ይልመ ይመልሃ ኡጋ ሀፍታ ቡርደዎው መቆጩ ዋ መቃጠር መፍረክ ባይቲን ተ። ዩ ተህሲብ አሰሊዎቤ አሁን ኡመትሌ ቅናኦቲ ሀልቦ ይላዛል ዝስያሰ ተህሲቡው መምለህ መ ዳይ ሀዋዝ ይትቼኸልበ። ዲነትጌይዎ ይበድሪቦ ፡ እደዎ የጉብሪቦ ዳንዲው ምላህትዞተቤ መንሰእ መሌጠ ባይቲን ተ። ዩ ሀቁው እሾት ዋል ሞሽ በጂህ ነቲጃች ይነብረሀል። ህያች ነቲጃች ሙሉእቤ ሙሉእ ብልሰነት ወዩኸ ሚጠቃን ሚጠቅቤ አላይዎበህ ቆበነትቤ አሁን መንግስትቤ መስሰ መዋረ የትሪኸባል።

ሩህኻድ አለፉው መንሰእ መፍረክ ኡሱእሌ ዝኸኸዉው መምለህ ከራመዞ ሞኸነዎው የሰብቲለሀል። ምላህትዞ ኮኦትቤ አሁን ታግርዞም። ባይቲም ዩ ሀቅዎቤ አሁን ኡመት ይመልሃ ኡጋ ባድ መትሰኦድ የትኸትሊሌ

ይፈርካል ባይቲቤ ኡመትዞ ምላህቲው መኤከር ሀቅ አሁንዞም ኤላም ባይቲን ተ። እትተ አታይቤ መቤጀ ዛልበነ ቀብቲ ኡመትሌ ዩ ሀቅ ዛላነቲው መንግስት ሞቀ። መትቆበል፤ ሀቅዎው መግደርማም መቁረህ መፍረክ ዛልባነት ዩኸኛል።

እስበልበላት ቀባላ እስበልበላት ስናን ዋ ዲን ዛልበ ባዱው የሀክሚዛል መንግስት ባድዞ አሁንት ዋ አማንነቲው ኸሸግር ኩልሉ አይነ ሀቃቸውም ኡመትዞ ዱፉንሌ ዝመሰመሰ የገድሪ ዋጅብ ሀልቦ። አላይንተ አሁን ሀቅ መትኼጀዞ ቅጥጤዞ ሀቅ ይትኼጀኩት ኡጋው ይከፍታል። ኡመት ሀቅ ይትኼጀባዛል ባድቤ ዛል መንግስት የሰክኒሌ ይፈርኩሚል። ስያሰ ሃለትዞም የረገዞሚል። ዩ አይነ ኹንቲያች ኡመት ንብሪሌ አልሙጅን ተዩ። ባድ ልቃኦቲውም ክም ኤሄር ይዘሀሀላል።

ኡሱእ ሀቅ መትዳረእ ወዩኸ መትሸረፍ ዝስያሰ ጉናርቲ የትኸትላል። አሁን ገረብ አላይ ገረቡው ሰብብ ያሸሀል ባይቲን ተ። ዩ ሃጀ ጢጢትሌ ክልዛየዳ ሩህኻድ ሀቁው ሩሃሌ መቆጩ እኸኻኸ ይላል። እተ አታይ ዝዲጀሳን ተ መንግስት ቃኖትዞ ፈተነሌ ይቀርብዛል። ዩ ፈተናው መንግስት ምን አይነቤ ይትዋጠአሀል?

እስበልበላት ባዳች ታሪኽ ያረነዛልኩተቤ መንግስት መ ኡምመቲ ሀቁው አገድራኽ ይልዛል ባድዎቤ ዛል አሁን ኡመት ስናንዞ ዲንዞ ዋ አደዎው መትፋቀድ ሀቃችዎው እሾትዋል አሻኽ ዛየሳ ያብላሚል። ላክን ዝስያሰ አለፊው ሩሃሌ ኡቁሚኸ ዛየሳ ሸኢዞ ልህም ዘልታነቲው

ታሪኽ ሀጃች ያራሉ። ሱልጠ እጂዞቤ ዛል መንግስት ባድ አሁንነቲው ይነክዛልቤ ተራዲ ይኸኩሚል። እትቆሚኸ መጥጢኤሌ ባድ እኸኻኸ ዛየ ገረብ ዋ መትቆጩ ይነብሪበኸሚል መትቆጩ ይልሊ አልታም ይልዛል ዝስያሰ ተህሲብ ዛላያች ጉትቲቤ ገረባን ገረብነት ዩዲጃል። መንግስቲም ዝቃኑን እናይዞቤ “ሩህኻድ ሀቁው ሩህኻድሌ መቆጩ እላ መትላየ” ባይቲቤ ዘመሰፊው ቃኑንቤ መዝረዘር ዋ መቤየንቲ መስጠ ይግለበሀል። ስናን ሹርራብን ታ ዛየ ይትሪላል።

አለገቤ ይትዝእዛሉ ኡመታችሌ ዛል ሀክሚው ፍቅ ሞሽመ ሩህኻድዝዩ ሀክሚው መደጃ ዘልታ አላይ ሀልሊ ኤሉም። ዩ አይነ ኸላፍ ውጌር ዘይኸን ኸላፍ ዝታሌ ዝሰላም ኡገቤ አላይንተ ኡፍኑዱልቤ ሀቅዝዩው መርኸብ ይነብሪበዮሃል። አውሮፓ ባዳች ተሀይቤ ይተገዝኡ ዝናሩ ባዳች አፍሪካ። እሲያ ዋ እግርጌይ አመሪካን ባዳችቤ ዝትሪኦ ኩተ ባይቲን ተ።

ዳይ ባድ ዛለዩመ ጉደር ዘመን መስሰ ዝነበሩ ላክን እስአሁን ፈርቃች ዛልበዩ ኡመታች ጉትቲቤ ሩህኻድ አለፉው ሩህኻድሌ መቆጩ ይልዛል ዝዲጀሳ ኮኦትዞ ገረብ ዳይ ሀዋዙም መድመእ ይግላል። መትቆጩ ኤልበኹም ይልዛል ገረብ ፈረት ይለሀደሀል። ኢሊጣኽ ይልዛሉም ሀሉ ይለሀዳል። ጥላኦት ዋ ፈረት አልመትዋፈቁው ክልአዛየዶ ገረባን ገረብነት ክልዘገሃ ይዲጃል። ዩ አይነቤ ቅደመ ይበቅላል። ቁርረ ወቅቲ ባድዝነ ታሪኸቤም ርእኔው። ኤርትራ ዛዋ የቅዛል ሁጅጃን ተ። ባድ አፍጅዝነ ሰማሊያቤ ጠልጠልቤ ዛል መትቆጩ ዋ መትሪማመዱም ድባያ

ዘዊጃች ቀጠብቲ ሙዳይ

ኢሪዮው ኢሪ ሚን ቲረ? ሚን ቲሰሚ!!!

ሪቅ (ጋን) መሉእ ዚቄህ አሁን ነጋሺ ግ ቆስ (joke) ቀነእ ዩዲዛል ኢንናር። “ ሊ.ሚ ኢሪዮው ኢሪ ዩምደኻዛልሌ አሁን ኪስ ሙሉእ ዚቄህ ኢስጣኽ። አምሞ ኢሪዮው ኢሪዞ ዘንኢመና ሞኽና ሀልቦ። ዩትአመኒሌ ዩፈርኪዛል ኻነግር አሁን ዛኹ ኪስ ዚቄሁው ኢስጣሚኽ” ዩላል።

ኡሩስ ጌይቤ ኢላ ኢገርጌይ፤ ኢር ቱጭቤ ኢላ ኢርቱቡእ ዛልጣ ኢሪዮው ኢሪ ሚመድ ኢፈርካኽ ዩልዛልጣ ዩ ነጋሺ ተሀይቤ ዩትነደአዛል ቁጤ ተነቀለጣ ዲጃ። ቁጤ አሁንዞም አጀብ ዋ አጃኢብ ዚታ ኢሪዮው ኢሪዞው ኤመዳ። ነጋሺም ተጌቦጣ አሁን አሁን ተጤነቦ። ኢሪዮው ኢሪዮችጣ በጂህ የቁምሱዛላቸው ሰመኦ። ቤሄርዞም “ዜመድኹን ኢሪዮው ኢሪዮች ቁጤም ዩትአመንዛላች ኢንተዩ። ኢስአሁንዮ ዛጣቹም ሁሉ ዚተ ሀያትቤም ዛሉ ዩመሰላል። ዩሌ ባይቲ አሁን ዛኹ ሸልጣቱው አሁንኹም ኢስጣሚኽ” ባዩዩ።

ዩ ጉቲቤ አሁን ራገ አበጣ ጊዲር ሪቅ (ጋን) ዚጠራ ከተፍ ዩላል። ነጋሺ ፎኝ ለከም ዩሊ ዋ “አሚሮው!! ሀሰን ዚተዩ አውኾ ቤ ቀ ድ መ ሰ ኪ ን እ ን ና ሩ ፤ አዌሞኽባዊን እንናሩ። አውኾ ዋ አዌ ኦርኩት መሪኝ ዚናሩሌ ዩ አይነ ሪቅ (ጋን) ሙሉእ ዚቄህ አውኹሌ ሰጡዩ። አውኹም ባው ዚኻኑ ሰአ ኦርገግቢለኹው ነድሪ ባዩ። አምሞ አልአርገቡም። ዩ ጉቲቤ ሞቱ። አኸእ አን ሚስኪን አንተኝ። አኻኹሚኸ ባው አንተኹ። መ አዌ ዚቄህ ዩርገግቢለኹት ኢኸኻኽ” ዩላል።

ጅምጅምቲ ሞ ድምድምቲ ?

ለ-ሀ 6ቤ ዚትኹተላ

አላይ አሀድ ጠቢቅቤ መጋረድ ዛልበነ አኸኸም ጩቅ (ሀርፊ) ሎቆደ ሞሻ ጩቅቲቤ ንውጭ የዲጅዛልነቱውን ተ። ኦርኩትዞም ኩቱብቲ ዘለለዩ ስናናቸቸቸቸ ው። ዩዞም “ዲጅ” ባይቲሌ “ጂጅ” ይልዛሉ እስአሀድ ኡሱኣች ሀሉ። “ዲ” ጩቁው “ጂ”ቤ ይላቅጠሆሉ አውንተ ይሂግኑመ ይጠርሆሆል። እተ ፈቀር ውቅሩው ዝከተበ ከታቢም ዩ ዐይነ ተአብ ይነብሪባሉም ዘይንበርባሉም ይፈርካል። የኸንማም ላክን ድምድምቲ ባሎቱው ዝጩሀሪውሳ “ጅምጅምቲ”ቤ ከተቤው። አልታኑም ወቃርዞ ድምድምቲቤ ዝከተቤውዎ ጠባባይ (ፈናን)ዞ ጅምጅምቲቤ ሃንኔው። ወዩኸ ወቃርዞም ጠባባይም ድምድምቲ አታይሉ አልመቤጀቤ ጅምጅምቲው ዘልቲናፈኡቤ አልቀራም። ውቅርዞው ማንከተቤውዎ ኡቃሚኸመ የቂንዞው ወቃርዞ ሞ ፈናንዞሉ አሀድገሆኸ።

የካቲት 66 (1974) ኢትዮጵያ ሶውረሳ እስአሀድ ብሳሎት ሸር(study circle) ቤ ዝናሩ መለሳዎች “መጅመጅምቲ” ትሊ ባሎቱው ለሀድ ገፈርቤ ይትናፈኡቤ ናሩ። ባሎትዞ መእናም ገልጌቡው መጣለልመ መቆፈል ባይትን ተ። ድክካው ይድረድርሆል። ስናኑው ይድመድሞሆል። መ ባሎትዞ መድመድምቲን ተ ብላይ መጅመጅምቲ አልታም።

አዝዞ ወቅቲቤ ዝናሩ መለሳዎች መጅመጅምቲው ዝትናፈኡ ጩቅ (ሀርፊ) ሎቆደቤ ይመስለኹሚል። እን ሂጅቱ ኩትቤ ይ ዝኸኔው አዝዞ ፈለክ ጭንጨሀ ወለገትቤ ዝናራች ሀጂስ ጩቅቲ መትዋረስሉ ዘዲጅን ተ። አማረኛ “ደመደመ” ሞ ሐረሪ “ድመደመ” ይትውራረስዛሉ ዝተዩሉ አማረኛ ቆበዞቤ ፍቅ ባይቲሌ ወቅትዞ መለሳዎች መድመደምቲው መጅመጅምቲቤ ሃንግ። መ መጅመጅምቲም መድመደምቲም ስናንዝነ ኡስጡቤ ቆበ መእና ሀለዩ።

ገልጌቡው ገልጌብ የዲጀሀልው ስናኔው መቆፈሉ ቤቀድ አሀድ ቀብቲ ሀፍ አሻኸ። አዝዞም ሐረሪ ስናንቤ “ሐፈቀ” ይልዛልን ሀልሞ “ሐቀፈ” ይልዛል ጩቅቲን ተ ? ሐረሪቤ ሐፈቀ ይልዛልሉ አማራኛ ቆበዞ “አቀፈ” ዩኸ-ናል። የሐፍቂ፣ ይትሐፈቂ ሐፍቂ፣ ሐፋቅ... ወዝተረፈ ጩቅታችሉ ስርዝዩም “ሐፈቀ” ን ተ።

ሐፈቀ..... (1) hug (2) unite (3) include ባድ ሁፋቅ..... Nation wide አለም ሐፋቅ World wide; global አለም ሁፋቅ መትኢሳሰር.....} globalization አለም ሁፋቅ መትቂጣጠር.....} globalization ማጥ ሁፋቅ..... universal

አወስትራሊያ ዝሐረሪ ጠባባይ እስአሀድግር አለም ሐፋቅ ባይቲ አታይሉ አለም “ሐቁፍ” ትሉዛኸ እሰማኸ። ዩ ስናን መትኛወርሉ ሰብብዞ አማረኛ “አቀፈ”ብሀ መላቀጥቤ ዝትረኸባን ተ። ጠብቲ ሚጅጃ አኸእቤ መትነሰእ ሀልበ እላኸ።

ሩህኻድ አለፉው ሩህሌ መቆጩ

ለ-ሀ 7ቤ ዚትኹተላ

መድብል ንፈርካነ። ሱዳን ኸንቲም አዝዞ ኩተዞ። ዩ የቀነነዛል ሀልግር ዛልነቤው ሸርቲ ዘልአሰከነ ነቱውን ተ። ዘልቁቀልነቤ ሁሉፍ ዘነላ ሆጂም ታግር ባድዝነቤ መትቆጩ ኡጋው ዝለሀዱ ሰማሊ ሞ ኦርሞ ውትኒያች ሀሉ።

ሩህኻድ ሀቁው ሩህኻድሉ መቆጩ ሀቅ ዘገሀ ሞ ቡኡርን ተ። ዩ ሀቅቤ መትናፈኡም ዘገሀ ሞ በለሀ ሂጅት የትሃብራል። አሀድ ኡምመት ሀጪር ሞ ሩሀቅ ቅናኦትዞም መትቤጀ ይነብሪበሀል። ቀቢለ ወዩኸ ዲኑው ተገን ሞሸቤ ለመድነ ባዶች ወንባር ጥርረዝዩው መርከህሌ ወዩኸ ዝትሃፈነ ጥላኦትዝዩ ሀሉው አላይዞቤ

መውጠእሉ ዘገሀ ኡምመቱው አግሪ ዘይኡኸኩተ ዳይ ሀዞዝ ፍርግቲ መግኘ ሀልባ። መድረሰቤም መትጠዋወርመ መንበርቲ ደርሳች ሞ ታሪኸ መትለመድ ሀልባ። ይትሰጥዛል ደርሰም ገረብ ዘልለሀዳ ወቅታችዞ ሞቅእ ኸንታቸው ብቶ ሞ ቀኘት ኡገቤ ሞረዕእ ይትቴቀብበሀል።

አሀድ ባድ ኡመት ሰላም ሞ ክህሊቤ ይነብሪኩተ ተኸሸግር አሀድ ገረብ አላይ ገረብ ሀቁው መዳረእ ኤልባም። አሀድ ፈርቂም ብላይ ባድዞ ኡመት ዱፋን መሰመሰነት ይረኸበባ ኡጋ መትቃየስ ሀልባ።

ባድ ኡሱእ ዱፋን ዳይቤ ይለቂኩት ይትፈረከ ቂጥጤውም መንግስት ሞሸ ሀልባ።

ባድዞ ኡምመትቤ መትስኦአድ ሞ መትቃበጥ ዘይኡትኹትሊ ኡገቤ ብዳሮታቸው መትረኦ ይነብሪበዩሆል። ይትረመድዛል ባጂቱም ሱልጠ ወንባር ተሳኦቱም ፍራኩት አሳስቤ ዩኸንግ ሸርጤ ዘልኻነቤው ዩኸኒን ተ። አሀድ ኡመት ዲንዞቤ፣ቀቢለዞቤ ስናንዞቤ ፊት አልቲላየቤውግርመ ባድቤ ዛል ዲንትቤም ዝመሰመሰ ሳም አገኘግር መትላየ ሞ መትቆጩ ይሎዛል ዘይንበርሉ ይፈርካል። ቃጪ እጂው አልቲደበለቤውግር።

ዚሐረር ሁስኒ ረኢስ ኸንጋ ሙራድ አብዱልሃዲ

ዚሐረር ሚሊኒየም ላይ ዛፅ ንግርቲ

ሉሀ 1 ቤ ዚትኹተላ

ዚሐረር ዋ ዝኢቶቢያ ኩም እመው ጋራችኹ ዋ ሳቲ አህላችኹበህ መግደርሊ ዝኩም ኩምቤ ይትሃለቅዛሉ ማይላቸው ተማጅኹመ አለም ዱፉንቤ ዝትሰማመትኹመ እድዴቤ ዝትረኹብኻች ዱፉንሌ ሩሃ ዋ ሁስኒ መንግስት ሱምቤ ሰለጥኹ እላኸ።

ሐረር ኩም አመ ባድ ሁፋቅ ደረጀቤ ነገድራዛነ ኢቶቢያ አጀንዳችበህ አሀድዞ ዋ አጥጢዞ ሞኸነዞቤ ሐረር ኩም አመ ኢቶቢያ ኩም አመ ቃም ኻነመ ተነሰአ።

ኩም አመ አጀንዳችዝ ዝባድ ሩእይታችዝናው ነትዋፍቂቦ ቅደሱው ምሻ ደረጀቤ ነክምለዩ የትኹሹን አስሊ አስሊ ምህራቸው ዝገረዱመ ዝመሰሩ አጀንዳችን ተዩ።

ዝባድ ሩእይታዝ ይትኹተሉ 20 አመታች ኡስጡቤ ባድዝነ መስኪንነትቤ ቱጫ፡ አማንነትቤ ዝትቁረሀ፡ ዴሞክራሲ ዋ በረሀ መትሃዳደርቲ ዘረገዘቤ ዋ ኡምመትዝዩ ቡኦት ዝጉቲ ዝተዩ ባዳች ተርተቤ ትትረመድዛት ዴሞክራሲ ዝቱ ኢቶቢያው መራን ተ።

ዩ ቁድስ ዝታ ሩእይቲው አታይ መቦረድ ቻለቤ፡ መሀዲ መትዋፈቅ መትሬኸብመ ባድቤም ባድቤ ቃጫቤም ይትረኹብዛል ኡመትዝናው ጠረፍቤ እላ ጠረፍ ኩሽኩሽ ሞሻ ይቀድሙ አጀንዳችዝ ዝኻኑላ፡ ዝሐረር ኩም አመ ዋ ዝኢቶቢያ ኩም አመ አጀንዳችዝናው ክም እሾት መዴጀሊ በረሀ ተዋፊቆታችን ተዩ።

ዝሐረር ሁስኒ መንግስት ዝትኤሰሰቤው 1988 ሀበሽ ቁብጢቤ ሚገል ዝዳይሀዋዝ ዋ ዝዲነትጌይ ወለገታችቤ በሽበሽ ዝኔሮት ምህራች ተከመሉ። ሁስኒዝነቤ ዝትሚህሩ ብዳሮታች ሁስኒዞ ዳይሀዋዝ ንብረቤ ደማጅ ንውጢ መትኹተልዝዩቤም መትማጀቤ ባድ ሁፋቅ ደረጀቤ መዝገብ ዛቁውመ ዝትቁቀለ ዝዲነትጌይ ልቃኦትሉም ዝገረብዝዩ አታጮት እሹ ይልዛል አመንቲ ሀለነ። ህያች ዝትቴገሉመ ዝቅ ንሊኩተ ያሽዛሉ ዝብዳሮት ምህራችዝ ዘይባሩኩተ ባድ ኡሰጡ ዋ ባድቤ ቃጫ ይነብሩዛሉ ሁስኒዞቤ ዝትወለዱ ኡሰኦታቸው ዘገሀቤ ነትሻውራው የትሂብራል።

ኸንጋ ባድቤ ቃጫ ተጨህኹመ ዛልኹ ሐረርያች !

ጥንቲ ዝቱ ሐረርጌይ አሀድታኻ ኩም ኩማመቤው መግደርሊ ጉዶር ሰፈር ሌጥኹመ ክም ዝትወለድኹቤ ባድኹ ዲጅኹ። ዩ መዋፊቅቤም ሁስኒዞ ኡምመት ዋ መንግስትቤ ዝትከመሉ ብዳሮት ምህራቸው ዝያረ ሞሽ ነሲብ አገኝኹመ የትሚህቁ ንውጢያቸው ሪእኹ፡ ቅብላናች ዋ ኑቅላናቸውም ተሃዘብኹ (እቤጅኹ) ይልዛል ቁያስ ሀለኝ።

ዩ ሙጥጢም ዘልታ ሁስኒኹ ብዳሮቱው ሩህኻድቤም ኻነ ዳይቤ ገርጋሪ ሞሽ ዛልበኹነት ዋ ዝገረብኹ ተሳእዶቱው ምን አይነቤ ሞሽ ትፈርካኹው ትሂሰቡቤ ዛልኹነት ይትሪአኛል።

ሁስኒዞ መንግስት ዋ የትሚህሪ ቃምዞም ኩማመዞ መዋፊቁው መትናፈእቤ ባድቤ ቃጫቤ ዝዲጅኻችበህ ፈታንፊት መትጌቦቤ እሰበልበላት ሃጃች ሽርቲቤ ንትሂረግበዩዛነ አርራቸው መትሚቻቸዝነቤ፡ ድባዩም ዳያስፖረቤ ይነብሩዛሉ ሁስኒዞ ተወልላጃች ሁስኒዞ ብዳራው ይነፋቦ ኹንቲው ፡ ምሻ ኸሾናችዝዩ ዋ ምሻ ዘውቲዝዩቤ ይትሳእዱቦ ኡጋው፡ ሩህኻድ ዋ ሽርከቤ የሚህሩሊ ይፈርኮዛሉ እስበልበላት ዲነት መኮአ (እንሸስትሚንት) ሃላቸው ጠብጠብ ናሽዛነ ናርነ።

አላይ ገረብደሊም ሀምስት በሪ በሪያች፡ 3 ኩምቤ ዛይድ መንበርቲ ጋራች ዋ አላይ አላይ ዳይሀዋዝ ኸድማቸው ዝዳበለ ዝኩማመ ቶያ መኤሰስሊ የትኹሺ ጠብቲ ተከመለ። ቁራሳችዝናው ከበከበ ገረብሊም ዝትዳመሱ 100 ጌይጋራቸው ጃተኒ ሞሸቤ ዝናሩቦ ኹንቲ አግረገብኔዩመ መንበርቲሊ መትናፈእ ይኸሽዛላችሉ ኹንታች ተምቻቸ።

መራገ ሰበብቤ ዞደቁ 3 በሪ በሪያቸው ጥንት ዝናሩቦ ስፋ መግረገብሊ ቡሩቅዞ፡ ዙርዙርዞ (ዲዛይን ፡ እአስፔሲፊኬሽን) ዋ ቁይመ በዩ ወጠአለዩ። ይትቸኸሉቦ ወጪው መትቃሰም ይኸሽዛላች ዱፉንሌም የትኹሹ ኹንታች ተምቻቸ።

መ ፊስተዞ ኤሂርደሊ ዛል ኩማመ ፋይደ ዩ ሞኸነዞው ተጠልሉመ ሁስኒዞ መንግስት ዋ ኡምመትበህ ሞኸነቤ ሁስኒኹ ብዳሮቱው ገርጋሪ ሞሸቤ ዝባድ ሩእይታችዝናው የሲር ሞሸሊ ናሻዛነ ጨራቀቤ ዝገረብኹ ሳሙው ገበእ ትሉኩተ ክላሆቴው አቀርባኸ።

ሉሀ 18 ቤ ዩትኹተላል

ኢሪዮው

ኢሪ

ሉሀ 7 ቤ ዚትኼተላ

ነጋሺም

“ደ ወሩው አምኑሜክ። ደ ሪቅ (ጋን) ፊዝቤ ጊዲር እንታ። ደ ሪቅ (ጋን) ኡው ደመልላል ዚቄህ ጊዛቱ ጀሚኦም ኤሉም። አዌም ሪቅ (ጋን) ዚቄህ ዛጥ ወር አሀዲም ዜመዲኝ ሸኢ ኤሉም” ደላሉ።

ራጋ አባም

“ቆራም ሸኢ ዘበጀህ አየትሃሳሰሽ። ወርዘው ዘትኢ መኑ ተኹጊር ዛኹ ኪሰ ዚቄሀው መጥ ሀው” ደላሉ። ነጋሺም ዚሶኦ ሩቡት (አሀዲ) ቀጠብ ባደመ ኪሰ ዚቄሀው ሀፍ አኹማ ሰጡ።

ደ ጉር ዱ ሰ አር ራ ቤ ሂሳቦት ጨህ ደለኹኩት ኸሽኹግር፣ ግእዝ ዩኒኮድ (Geez Unicode) ባይቲቤ ደ ጠ ሪ ሀ ዛ ሉ ው ጉ ጉ ል (Google) ሞሽሴ ፎንቲ (font) ኪል ኮምፕዩተር ሽ መዘመድቤ (downloads) ታይፕ አሰላሽኹ ቤሂር ድልሸሀን ቡርዳቤ መግፈር ደትፈረካል።

ኩ ቱ ባቼ ው ላ ቲ ን ቤ ም አዝኩትዞም ሳብአ ቤ አልታግሩም ኮኦትዞቤም ኒትቁበላህ።

አልለ መገን

ሸሀን ውቅርቲ ምላክ

ኡመት ሀልቂ

ኡመት ሀልቂ ፡ ቅድስብ መሌቀዞ ጥቅጥቅቲዞ ጨሀቲዞ ዋ አዝዞኩተዞም መትዋለድ መትናሰእ መንተ ዋ መሞተዞ መሃለቅቲው የበሰለብዛል ደርሲ ከታራው ኡሱእ ሀልቂ ብላሎት (ዴሞግራፊ) ይሎሆል።

አሀድ ኡመቲው ይጠቅስዛልቤ ይትሳ መትዛል መሃለቅቲ ይትኸሻዛል እሰበልበላት ሰበብሊን ታ። መሃለቅቲዞህ ቁጠር ዝታ ማን ይኸሰሀል? ምንሌ ይኸሰሀል? ዋ መቼሌ ይኸሰሀል? ይልዛል ሀብሪ ሀል። መጣረ የሲምዛሉም መጋለዞሌ ይኸሰሀል።

ኡመትዞሌ ሚይ ትሪክ አፊት ተእሊም ወዝምሳሰሉ ኸድመ ይ ስ ጠ ሊ ይ ኸ ሸ ዛ ሉ ም መኻደም ቲዞው የቀርብባ ኡጋው ዋ የትኸሸ ውጦቲው መቃየስሌ መሃለቅቲዞው ሞቀ ይነብሪበሀል። ኡ መትዞ ይነብሪበሀል ደቺቤ ኡሱእ ጥቅጥቅ ዘየልመ ምኸሪኝዞ ንብሪሊ ዘይአሜኸብ ደረጃ ዘይሌጥኩተ ይቁህሩዛላቸም ዝንብሪ ምዛን ዘይትኛወር ኩታ መሃለቅቲዞው ይኸሾሆል። ኡ መትዞው አዝዞ ደቺቤ መፈንቀል ወደኸ ፈጠራ ሞሽሌ ይኸሸዛሉም መሃለቅቲቤ ሃጀ ዩኹናል። መሃለቅቲዞ አር ሸኢሊም ኻነ የገሰሲ ሸኢሊ ዩልሌ ይፈርካል ባይቲን ታ።

ሆጃ ወቅቲቤ አሱእ ወልዲ ሀልቂው ይነክዛልቤ ማጥ ደረጃቤ ሚሻ ባዳኸ ደረጃቤ ዋ ሚሻ ቶዶኸ ደረጃም ዘልቀሪቤ መሃሰብቲዞ ተቃየሰመ ሀል። ዩዞም ሀጪር ዋ ጉዶር ወቅቲ ባይቲቤ ዝትሚተራን ታ። አስአሀድ ዘይትሪኡ ዋ ዘይቲታወቁ ሰበባኸቤ ኹንቲዞ ይትኛወርሉም ዘይቲኛወርሉም ይፈርካል። ዩው ፖሊሲ ያ ጭዛላኸሌ መሀሪ ግዞ ይትመለሃል። ገልጌብዝነቤም ቃጪን ታመ።

መ ዩው ዛነሳ ቤሂር ኡመትዚነ

ሀልቂበህ ዝትላሀደቤ ጠነዮ ገልጌብ አዲጃኸ። እተታይቤ ንቁቅላዛነ አሀድ ጠነዮ ደቺመ አር ቱጭ አፍሪካቤ ኢትዮጵያ ይሌዛል ባድቤ ሀረር ባይቲቤ ትትታውቅዛት ጌይንቲ። እትታ ጌይቤ ቀዲምቤ ዘሰፈረመ ዛል ኡሱኡም ሀረሪቤ ይታወቃል። ሽርቲዞ ዝዲጃመ ዝሰፈራቸም ወርራ ሀረር ባይቲቤ ይጠርሆሆል። ሀረር አርቱጭ አፍሪካቤ ቀዲም ባዳኸቤ አሀድዚዩንቲ።

ታሪኽ ቀናዛልኩተቤ ሀረር ኡመት ባድዞው መትኸተርሌ በጃህ ወረም ዘሌግን ታ። ነጋሺነትዞው ዝቀበጠዉዎ ጨለንቆ ጋዝቤ ተሰበረማን ታ። 1887-1991 ሚላዲ ዲቶቢየቤ ዝናና ነጋሺያኸ ዋ አግሮጃ መንግስታኸ ፖሊሲ ዝዩ ሰበብቤ ሀረር አግሮጃ መሰከንቲ (ጋሪሰን ሲቲ) ኻንቲ። ሀጪር ወቅቲቤ በጃህ ኡሱእ አዲጃመ አሰፈሩቤ። ባድዛል ሀረሪው ማኸ ሀርሺ ዋ ጋርዞቤ ይትነቀልኩተ ስርቤ ቃየሱሎመ ሰበብ ዋ አስባብቤ ባድዞው አትሂደጎ። ዩ ሞኸነዞቤምን ታ ቤቀድ ሂረቤህ ዝትቃጠሩመ ዝዲጃኸ ሆጃ ሀረርቤ ጨህ ባደመ ዛሎ። ባይቲም ሰፋሪያኸ ሰበብቤ ሀረር ኡመት ተወሀጠ። ሀረር ዋ ሽርቲዞ ኡሱእ ሀልቂው ዘመንዞበህ ዘገሀቤ መጋሪድ ይኸሸዛል ታሪኽ ኩቲብቲያኸቤ መሃለቅቲዞው መሃጀ ይፈርካል።

አኸእ ዛልነቤው ዝታሪኽ ወቅቲቤ ኡኩሰቤ ይትቁቀልዛሉ ኢቶቢያ ኡመታኸቤ አሀድዞ ሀረር ኡምመትን ታ። ረስሚ ባድዝነቤ ዛለነ ሀቁው መነስዝና ሰበብቤ ንትመረሱሚና። እንናኸኩተ እንስ ዝተዩ ቆውሚያኸ ሀቅዝዩ ባድ ዋ ዱኛእ ቃኑንቤ መሰረመ ሀል። እንሰ ሰበብቤ አላይዞ ይረኸቦዩ ሀቃቸው ዘይቲመረሱኩተ ፡ አንሰነትዝዩቤ አልሙጅ ኹንቲ

ዘይዋፍቀዩኩተ አላይዞቤ ድባዩ ሀቃኸ ይትሰጠዩ መ ይትቁሪሀኩተ ያሸዩዛል ቃኑን ባድ ደረጃቤም ማጥ ደረጃቤም ተከተበመ ዱኛእ መንግስታኸ ዱፋኑም ተካሀሉመ ዘሰበቶ ህግ/ቃኑን ሀል። ዩ ህግ ዋ ሀቁው ሞቀመ መትቁበልቤንተ ኢ ቶ ቢ ያ መንግስቲ ም ሁ ስ ኒ ዝነ ቤ ከራ መዝና ይትገደሪኩተ ተራዲ ኻኸመ እዝኒ ዛኸው። አሀድደግ መንግስቲ ቤ ቀ ድ መንግስታኸብህ ይትላይቤ ሰበብሌ አሀድዞም አንሳኸ ሀቁው መትቁበልቤን ታ። ቤቀድ መንግስታኸማኸ አንስ ቆውሚያኸ ሀቁው መኹጃ ዲ ነት ዝዩው መዝረፍ ይትቁሸኩተ ሞሻ ፖሊሲንተ ዝናሬዩ። አንሳኸ ሙጥጠውም አልታው ብዝሀ ዛለያጩውዞ መጥላለ። መምሰት ዋ መቁሸቤ ነትዝዩው የትኸዱዩን ናር።

ዩ አንሳኸ ቃኑን አይዩ ባድቤ ዛሉ ኡኩስ ቆውሚያኸ ከራመበህ መንበርቲ ሀቅዝዩ፡ ፊት ዘይቲሂጅቦዩ ኩተ ዋ ፍጅቲ ዘይቦርዲቦዩኩተ ቅርሃን ይስጠዮሆል። አዝዞኩታም ማንነትዝዩው ይቁህሩ፡ የጠብቁ ዋ የትቲዋውቁ ኩተ ገርጋሪ ይስጠዮሆል። ስ ያ ሰቤ ም ተሳ አዶት ይነብሪዩ ኩተ ኡጋቸው የትሚቻኸለዮሆል። ህያኸ ሀቃኸዚናው ዘገሀቤ ሞ ቀ መ መ ብ ሰ ል ይነብሪበነሀል። ዩ ሌ ም ኢቶቢያ ባድ ቃኑኑው፡ ሚሻ ዛልነቤው ባድ ቃኑኑው ዋ ማጥ ቃኑኑው መቅረእመ መብሰል ሀልቦና። (Minority Rights in National and International Law). ዩ ቃኑን መንበርቲ ዋ መትገደርዞቤን ታ ፍርዲ ጋር ዘሃርነሳም ኑቃዛነ ስናንቤ ቱርጃማን የቃኑሉነዛል። አላይ ሰበብቤ አይመሰላኹ።

እኛ ሀረሪያኸ ዝማንነትዝነ ሉሀ 11ቤ ይትኹተላል

አመት ሃላፊ

ሉሀ 10 ቤ ዚትኬተላ

አስጠሉ አስሊ ጠቢቅ አሳስ ዲን ዋ ስናንዝናን ታ። ባድዝነ ሀረር ዛልትብ ምኽሪኛቤ ዝማንነትዝና አሰጠ ስናንዝናን ታ። ዩ ስናንው መቁረህመ መዋረሌ ፍዝቤ ፍዝቤ ጃህዲ ሞሻ ሀልበና። ዩ ጠልሀብቲ ሀብሪን ታ።

ስናን ይዋርሌ ይፈርካሃል ስናንዘው የሲንኒዛል ኡሱእ ሀልግርን ተ። ዩ ስናንቤ መሴነንሌ ኡሱእዞ ድርቂ መሀደኛ ሞኽነ ይነብሪበሀል። መሀደኛ ባይቲ ስናንዘው ዲንዞ ዋ ቀቢለዞው አሳስ ሞሽቤ ዝስያሰ አፎቻ (ፖሎቲካል ኮመኒቲ) ጫየቤ ይትጫዩ

ፈርዲ ሀልባ። ሰብብዞም ዝዳይ ታሪኽዞው መቼኸልመ ዝወልዲ ወልዲ ሌ ሁሉ ፍ ሞሻ ይፈርካሃል ዩ ኡጋ ሙጥጢቤን ታ። ዩቤ ቃጨ አላይ ዳንዲ ኤሉም።

ማንነተዞ ሃጀቤ መንቀህቲ ይረኽባዛሉም አደ ዋ ታሪኽዞው ይለም ዳዛሉም መክተብ ዋ መቅረእ ስነትዞው መዝጋገህ ይፈርካሃልም ዩ አፎቻ ሀልግርን ታ። ስናንዞቤ ወርጊብእቲ ራዲዮን ቲሽ ሲኒማ ጨህ ክላሽ ሩህዞሌም አለገሌም ያርመ ማንነተዞው የትኪብን ታ። አዝዞሳንተ አለጋም ዩቃመ ይትቁበላሌ ይፈርካሃል።

ሀልቂዝናው መዛየድሌ ሜገል ሚጅጀዞ ሁይቲቤ ዛልናች

መሀደኛ ነትዝኛው መትኬብ መፍረክ ሀልበና። ጉትቲዝነቤ መትዝላለመው መትኻተር። መትሪግሀም ዋ አጥጢቤ አትጢ ገርጋረ መታሸቤ ደድ መዝረእ። ዩ ሃልቤ ቁኑንዞ ዛል ሀረሪ ነት ዞው ኬብ መ አትኬበግርን ሀጂስ ተውሊድ ሀረሪያች ይትባዘሁ ዋ ይዛይዱቦ ኡጋቹው መቃየስ ንፈርካና። ሀረሪነት ተስ ባየመ አትቁለጠግር ዝትዋለዶ ሙጥጢም አልታው አላይዞም ሀረሪ ሞኽናው ይኸሸሀል። እንናች አቆመስነግራን አለጋም ለ ከም ይልብነ ሀል። አፎቻዝናፎኛ ይዲጅማም ዩቡአል። ደድ ሀረቅ ይገዛል ዛየከትዞ።


አልላ መገን (ኦገስት 2/07) ...ቶሮንቶ

ኮንግረስ

ሉሀ 19 ቤ ዚትኬተላ

9. ዳይሀዋዝዝነ አመንትዞቤ ተለስ ዘይኸንኩተ ዲን አምሪው መጥብቅ ፡ ሀረሪ ኡምመት ማንነትዞ አስጠ ዝተ ስናንዘው ፈቀራችዞው ታሪኽዞው ይትፋቀዲኩተ አፎቻች ዩ አምሪሌ ዘገህ መስሩፍ ዋ ኡሱእ ታኽ መርመድ (ሀልቂ 2 ሃጃ)

10. ኡመትዝነ ዝረኽቤዩ ዝስያሰ ፋይዳች እጂዞቤ ዘይውጡኡኩተ ዋ ኡመትዝና ቅናኦቱው የትቁሀሪሌ ይፈርክዛል ኩልሉ ዳብሊ ዝስያሰ ውጥኒ (ሊግ) ይትቁቀርኩተ የትኪሽዛል ገርጋረ ዱፋኑው ሞሽ። ባድዝነ ዋ ሽርቲዜ ስያሰ አምረትቤ ኡመትዝነ ወቅቲ ወቅቲቤ ዝዳይ ፍርግቲ ይረኽቢመ ዝእንሳኒያ ሀቃችዞው ዩቂኩተ ደርሲ መስጠ ፡ እንቃህቂ ጠልሀያች ሞጫ። ወቅቲ ወቅቲቤም ዝዳይ ፍርግቲ ይረኽቢኩተ ሞሽ። ሽርቲዞቤ ዛሉ ቆውሚያች ዱፋንበሁም ደድ ዋ ክህሊቤ ይነብሪበ ሃሉው ዘልዳረእ ኡገቤ መሀዲነትዞው መንቃቀህ። ዲነትጌይዞው የሰብሂበ ህትፋናች ዋ መቅናነእቲያች የገኝበ ኡጋቹወም ሊግዞ መትሌመድመ ሞረእ።



ኢቢአኸሸንተኛ

ኢቆት አሰር ሞታች

ጀህ ዩሌግር ጀህጀህ አቤልቲ ሸህን ኢፋም ፈጥ ቲሊኩት የብቁ መትቃፈን ሲነት ኩቱብቲ ሀዬ አይቲሃፈን የትኪሽነህል ዋ ሲናን ሰፈን።

ጀህ ዩሌግር ጀህጀህ ቦቲ ቢፈቀር ጢቱም ቲብቂ ዋ ኢን አፍፋዜን የትቆሀር ቢሊም ሉኹው መቦረድ ከስተን ዘላዬ ሂር ደርራ ኡፋው አንቁሄ የብቁ መኾፈር።

አላያቹኽ አቤሉ? ሐረሪ ወር ጊቢታች ሐረሪ ጀሪዳች ዜዳይሐዋዝ ደም ወተራች ሲነት ኩቱብቲ ዋ ኢቆት አሰር ሞታች።

ሐረሪ ሲናን ሌቆት ዋ ዜግሀሌ አሳስዞ ሲነት ኩቱብቲንታ ዜግሀሌ አሳስዞ ቢሊም ሀርሪያም አጥ ዋ ሀቡዞ።

ከፍቲ ዜትመለክ ሰክ ኡስጡ ቀልቢኸሽቤ ቂር ኢሊማን ቱልቱል ኢላኽ ማደኤቤ ኩሉሉም ኢላኽ ቡርቱኻን ጉምጨያችኸሽቤ

አሪጥላማም በረሀ ያሽ አፈትኸሹው ቀብሸተት ኢላኽ ወዘነኸሽ ላሞሩው።

ዩ ማበይነቤም ዩዲጂማ ተስቲ መህቂ ማደኤቤ ዩቁጨኛል ዘኩሽኩት ኸርቂ።

ቀልቢኸሽ ጉቲ ገብቤም ዩትዚራረጊማ ከፍቲ ዩትቀደሂማም በለቅቤ ዩትሰፈራል ተስቲ።

ተስቲኽ ጠኝቤም ሀጂሰቤ ወሀ ኢላኽ ተስቲ ኢቢአ ኡኹኒማም ኢርገግባኽ ተስቲ ዋ ከፍቲኸሽሌም አኒንተኛ ኢጠሪህዛኽ ዩ ኩት ዋ የእ ኩትቤም አኻሸሀህ ኢነብራዛኽ ኢቢአኸ ሸንተኛ ማ አይደኽ ኡሁራኽ።

ቢቀለም ኡብዱልሞሰስ ዱርሪ

ቢቀለም ኡብዱልሞሰስ ዱርሪ

ኮንግረስ ምህረዞ መዝገህ ኻነ መጥብብ ይትሬገዛዛል ዳይሀዋዝዞ ኸሸናችበህ ቁጡርን ተ።

ሐረር አማኝን ቲ ?

ኤገሎት ዘሌላ አልላሁ ሰምዞ
ቁረኛ ናሺማም ሉኸዞ መሀመድቤ
ሰላመት ናርዳነ ጢት ዋ ግዲርኸቤ።

በርረ ዋ በሀሩው ዝትማጅኸ ሀረቃች
ጌይ ዋ ጌይፈጋይቤም ዝትሳመትኸ አህላች
ባድ ዋ ማዳቤም ዝትፈርኸ ሳተህላች
ሰለጥኸ ! ንላና ዝትገደርኸ ኑግዳች !!!

መትረገጥ መትዝእ ዋ ቅንጭፍ የቲሻል
ብልሰነት ቅባጮት ሙንኩተ ይመራራል
ሩሁው አልሀከሞት ሙሰሱትን ይመስታል።

ባድ ነሀቤ ዩኸንመ ሸረፍ ይትዳረእዛል
አሀድዞ ይኸጅመ አላይዞ ይትኸጅዛል
ሰላም ዋ አማንነት አይደቤኸ ይነብራል
ሀቅ ይነግሲ ቁሲ መኒት መች የሳግዳል።

ገደ ቡርሲ ገንጎራች መትዴደቅ ዘበልናች
ወቢ ዘር ወናጋች መትአገድ ዘልፈርናች
ሀቁባይ መለሳኛች ነፍሲ ዝጋበርናች
ዋትነ ሀረሪያች ከራመ ዘትቁሪሀናች።

ለአያ ተሀይነት እልላ አልሙጅ ሄራ ፍሪ
አበድ ይግረግቤልወ ከት የጭመ የብረሪ
ኦርኩተ ተስ ይላል ደአይቤ መንሰሪ
ድል አይትላየን እኛበሀ የዋሪ።

ድል ብርቅ ሸኢን ታ መትፋቀድ ይኸሻል
ተሊስ ኻኑቦግር እጂኻድቤ ዩጫል
ዩም ዝታሌ ባይቲ ፍሪግቲ የትሂብራል።

ዝኛእ ዘልነቅሃ ድሉው የጠብቁሚል
ቀርራኢ ዘልኻን ድሉው ይትፋቀዴል
ድል ቀድረዞው የቅዛል ሰነት ይትጣለፋል
ድሉው መትኻተትሉም ሂላቹው ይቃይሳል።

ስመእ !ሸሚኢ! ስሙኡ ! ሰመእነዋ

ሀረሪያች ቁጥጤም ሀባሮት ጦርነዋ
ታሪኽ ሙራየትቤም ንትሂጅቤ ሀልነዋ
ዝኔሮት ፈተናው መትዋጠእ ሀልበና።

ሊግ አሸ አላሻሙው ነኸቲመ ሆጂቤ
ድላገ ምሀሪራው ኑርዳመ ሚዝ ላይቤ
ባድ ሀቅዜው ነክፈሌ ሚሻ ገረብኻድቤ።

ሀረሪ ከነዲያናች ኑዕ ሳምኸው ንሱዕ

ሀረሪ አመሪካናች ኑዕ ሳምኸው ንሱዕ
አዝዞኩት አውሲያች ኑዕ ሳምኸው ንሱዕ
አላይደቤም ዛልኻች ኑዕ ሳምኸው ንሱኡ
ድላገ ስአይት ሆጂቤ ኤግሉ።

ሸሃደ ቤሂርሌ ይትከፈልዛል ሚሪ
ባድ መኻደምን ታ ነፊስ ዝታ ፍሪ
ሙቱም ዘይአሞታ ዝሀሰነት ስርሪ
ልሀዲ ይኢክራኤል የኸትማኤል ቀብሪ።

ይም ዝታሌ ባይቲ የኸንለኸ ወርዋሪ
ባዴ ምን አሸትለኝ? አተልመት ቅማጥሪ
ባዴሌ ምን ኑሸሌ? በልመ ሩህኻው ሂብሪ ።

ሰነም-አብሪስ ባዳው አማነ ነሰእና
ወሊ መዳበያው ሁክሚዜው ለሀድና
አድሊ ዋ ፍርዲው ኡመትዜሌ ሰጥና?
ክላነ ነትሂብሪ ሚጅጃ ክልነቀልና።

ቆር ዋ ቁምሰዜ ሀረር አይደሌን ታ ?
መሀማለል መምሰትዜ ምን ዝኻነሳን ታ?
ምድደዞው መፋጨ እኛቤ ሀቅን ታ።

ጌይ-ኡሱዕ ጌይለመድ አኻም አላይ አላይ
አህሊ፡ ቀቢለ ዋ ዲንቤ ፊት መሂጂ ብላይ
ግልጋሎት ሰጥትግር ባድ ትረኸባት ልማይ።

ሀረር ሀረር ባይቲ ኡሱእ ሙጥጤም አልታ
ሀረር ሀረርነትዜ ኢር ዋ ዱፍበሀን ታ
ይበሀ ድባየቤም እንጫ ዋ ቁጥን ታ
ዝፋጤሪ ሚዛን ዝትሚቻቸላን ታ ።

ቦሰና ኡሪያች ሀቅ ሀለዩ ጌይቤ
ይበርሩ መኸሉቃች ሀቅ ሀለዩ ጌይቤ
መትፋቀድ መቁሪህ ፈርዲን ታ እኛቤ።

ወሲያ ዛልበናች መለሳይ አብሰማች
አማነ ዝጦርና ሐረርጌይ ቀለጫች
ኢር-ቱጭ አፍሪከቤ ሀንገፊ መዲናው
ነጠብቁ ሀቅንታ ታሪኽዝና ቡርቃው።

አልሙጅ ጠለሳችቤ ጣህር ቱኸ-ኒኩት
መዲነቱል አውሊያእ ልማይ ትረኸቢኩት
ሀረር አማኝንቱ ነቁሀሪ ኢን ኑርኩት
ሀረር አማኝንቱ ነቁሀሪ ኢን ኑርኩት።

አብዱረሂም ሃሺም

ኮከት አዳው መትጋበት

አያምዞ አላሁኑ። ወሀሪዞ ጁላይ 29/2007። ገልጌብዞ ዝኻኔው ኢትዮ ሀረር ሙዳይ ገልጌብ አርራቤን ታ። “ሀሪፍ 2” ሱምቤ ዝበእ ሀረቅዝና ሀፍ ዛዬኼው ቀብቲቤን ሀፍ ገልጌብዞ ዝትቴገሌው። አ ዝዞዞም “ኦርዝናው መስመእሌ ጠብ ዝተነኩተ አሪዝናው ዜዳነሳም መትጠነብ መፍረክ ሀልበና። አላይን ተጠብ ንሉሚነ። አን ገረቤደሌ ነጪሃቸው አደንቀዮሆኽ። አዝዞያቸቤ መሀዲጃ መንሰእ ሀልበና።” ባይቲቤ “ሀሪፍ 2” ረእዩዞው ሰጣ። “ሙዳይም” “ሀሪፍ 2” ዛዬውሌ ጦሮት መሰጠቤ ተሀሲብዞው ጠቢቅቤ አደገሌው። ዩ አሀድ ገረብ ረእዩን ተ።

አን “ሆክዝ አይዞ” ሉይ ረእዩ ለሀድኹ። <<አኸእ አኻኻች ትሉዛኹ ኩተቤ “ደር ሰሀን” ሉኸዞ አልገበአሌናም ባይትን ተ። “ደር ሰሀን” እላ አኸእ ዛዬው ነልመድመ ነትዝኛው ኑቅን ታ። ማንነትዝናው ነግኝን ታ። ተላኸሌኝ ዛዩመ ቱርጃመ ዛኼው መጥለሀቲቤ ሀረር ሞ ሀረሪው መውሀጥሌ ዘንበራ አጉጃው ዘወገኤና አላይዞው ዘንሚሰልኩታን ታ። ዲንዝናው ስናንዝናው ንለሀዲመ መት ወሀጥቤ ንትሴ ተር ኩታ ን ተ። መጥለሀቲዞ ቤ እሰብራ ረእኪ ለኝ ቤሃር። አስረዲአዮሆኽ። ቀጥሎ ይቅርተብህ ወዝምሳሰላው ዝቁቀሌው ማንነትዝናው ክልሀደግነ አላይዞው መምሰልቤ ዛልነነቱው ሞረእሌን ተ። ሀጨርቤም እኛው ዘይመስሊው አንሚሰልን ታ። መ ነጨሃቸው መምሰል የትኺሽናሚል ። ኤልበናውም። ነጨሃቸቤ ንነሳዛነ ሞ ንለምዳዛነ ደርሲ ምን ሞኽን ሀልባው መላየው ሞቀ ሀልበና። ቱክኖሎጂቤ ሌቁ። ንለምዲበዮሆነ።

መትሂዳደርቲቤ ሌቁ ንቀሀዲበዮሆና። አላይን ተ ንትኹተለዩኩተ የትፊርኩዛሌ ቀድራች ሞ ሃላመሀላች ኤለዩም። እንናች ንትኹተላዛነ ክታብ ሀለና። መቅናነእቲዝናው ነገኛዛነ ክታብዝና ዳንዲቤን ታ። ነጨሃች ክታብዝዩው ሀደን። 10 ዝዲንዝዩ መኸዙያቸው ሽራረፉ ዳመሱ። ዩ መኸዙያች ዝትከተብቤው ሉሀው ዝትጌብቤው ድርሬቤ አትኔቀሎ። ኡሱእ ዘይቅረአኩተ ፍቅ የል ባዩመ ፍቅ አትቴኹ። ሂያቸው መሀዲጃ ሞሽ ኤልበናም ባይቲቤ ተዳመሱ ዛኹዩ መኸዙያቸቤ እሾትዝዩው ቁቀልኹ።>>

ስናንዞው ዘቤጀውሌ ገልጌብዞ ቀብቲ “ኮከት አዳው መትጋበት”ን ናር። ነጨህ አደዞ ሞ ነጨህ ዘልታ አደዞቤ ማንዝዩ ዛጥ ዩጠኛል ፎኝ የሊጣል? ዩ ባይቲም ሁውወ ዛጥ ዩጠኛል ባነግር አዝዞው ነምሰል ንልመ ንትኹተላሌን ተ። ወንደል ባይቲ ሞ አልባይቲ ህብሪን ታመ ቃኖቴው መትሴመእ ድርቅ ኻነቤኝ። ዩሌምን ናር መሀዲጃዝና ክታብዝናን ተ። ። ሞኽናም ሀልበ ዛኹመ ረእዩው ዝሰጥኹ። ክታብዝዩው ዝገፈራቸው መሀዲጃ አኸኸ። ዩ ተሀሲብቤ ሙሉእቤ ሙሉእ አምንበሆኹም።

ዛኸኔው ገልጌብ ፍዝቤ ፍዝቤ ሀጨርን ናር። አኑም መሌጠ ናረቤኝ። ወቅቲ ሞ ኹንቲ ዘሚቸሳ አልላሁ ባየግር ንግረግቢበሀና።

ዛኸኔው ገልጌብ ሀጨር የኸኒማም ደድ ሞ ተውፊቅነት ዛሪ ሃላ መሀልቤ ዝትሬዝን ናር ይልዛል ሙሉእ አመንቲ ሀለኝ። አማን ባይቲሳም ዩው

አትቴወቅኹማን ናር ዝሌጥኹ። ፈርቂ ረእዩቤ መትሳንን ዛልን ታ። ረእዩ ፈርቂ ሰብብቤ መትቃበጥ አውወል ሁሉፍ ዛኔውን ታ። ዝተሀሲብ ፈርቂዝናው ግድረ ሞ ከራመበህ መትቁበልቤ እጂ ሞ ኡሩስ ነታሽመ ደድቤ ንነብራነ። ፈርቂዝና ሰብብቤ ሀመድ መትቃበእ አውል ቀራ። ይው ባይቲቤን ታ አማን ዛኹመ ዝሌጥኹ።

ዩ ዩኩተ እሰታዞ ጊሽታኝዞ (ጁላይ 30) አሀድ ሀረቁ ስልክ እሸመ አሀድ ሸእ አትሃበሬኝ። ታኢና አን ዘልናርኹቤ “ሙዳይ” በህ ተቃብጠኹን ናር? ባዩኝ። አኑው ሳኒቤ መትሂበርዞቤ ኦርኩት ኦርኩትን ተተስ ዛዩኝ። ሰብብዞም ባዩው ቀጠርቤ መቆጨሌ ኡገዞ መድደቤ ጀዞብ መግኛን ታመ።

ህብሪዞው ዝሰመእኹሳ ደነቁኝመ ሴሀቅኹ። ፓልተቶክ ዝዲጅኔው ገልጌብሌን ተ። አቅሊ ነትጋዝሌን ተ። ዳይቤ ንቺኸሊሌን ተ። ዝመሰሌነቤ መቅናነእቲ ንስጢሌ ሞ ንትቁበሊሌምን ተ። ዩ ዝታሌም ገልጌብ አኸነ። ክል ኤቀዱም ናሻና። ቱቅለኝኩተ እኸሻዛኸ ላክን “ሙዳይ” ሞ አን አሀድ ዝትቃበጥኔዎም ዘሌልነቱውን ታ። ሆጂም ታኢነ ኩተዞት ደድ በህ ተስቲቤ መስሳ ተራእነመ ክላሆት ጋርቤ ናርነ። ሀረቁ “ሀሪፍ 2” ታኢነ አይንበርማም ጉትቲዝነቤ ቅንብስቲ ቁሲ መትቃበጡም ዘሌልነቱው እመነኝ ባኹ።

ሀረቃቸ ! ገልጌብ ናሻዛነ ረእዩቤን ተብላይ ኡሱእቤ ዘልታነቱው ኑቅ። ነሬምጢ። ዩሊጥቤ ዛል ገልጌብ ግልጢ አልኻነግር እጂ ሞጨመ መትሂበር ይትፈረካል። ዘላቀ

ይሎሚል። አነል። ዩ ክላሆት ጋር ዩቡእመ ይትጠነብዛል ኡሱእ መስመእ ታኸዞ። መትኺታተል ታኸዞ መጋረድ ታኸዞ መሬመጥ ታኸዞ ይትሊያያል። ዩ ዝታሌም ዝሰመእኔው አይነ ሽኢውዞ አቅሊ ዝና እሰብልበላት ተፍሲር ይስጠሀል። አይነ ሃላወ ዝትጠነብጡም ዞጠኡ ኡሱአች እሰበልበላት ሉኸ ሁሉፍ ያሹመ ነገኛዩዛናም መትጠነብ ፍራኩትዝነ እሰበልበላትን ታማን ተ። ዩሌ ባይቲ ባየ ባቲቤ አንሌጥ። እሰአሀድኹ ባዩ ሙንኩትን ታ? ትሉኝ ዩኹናል። ባዩ ባይቲ ወደቀ ዛዩመ ዜመዶው ተስባበረ ባይቲመ ሁሉፍ ሞሻን ታ እለኸሆኽ። መ ባዩው ቀጠርቤ መትቁረሌ ስናኑው መድደዞቤ ነጥሊላ።



አው አባዲር ሐረሪ ወልዲ ወለባይ ማኸዳ

ዩ. አው አባዲር ሐረሪ ወልዲ ማኸዳ ዩ.ሐላ፣ሐረሪ ቂስሳ ቀጠብቲ ዜኸው ፣ አሁን ያለው ባብዚኛ ኢላ ሆጂም ሱምዚዩው ዘኑቀዩማ ዩ.ነብሩብ ቶያ ሙጢው ሲሞት ዛልበና፣ ዘይቲታወቁ ማኸዳ አዊኑም ማን አምኖ ማንታ ዛይሎ ማኸዳ (unknown soldier) ባይቲቤ ሙጢቤ ኒቁቅለዩዛና አሱም በሪ አዊኑም አሹራ (Ashura Bari) ባርቤ ዜና፣ኤቡ መላሳይ ቂስሳ ኢንታ ባይቲው ኒኸሻን፡፡

አዎም፣ወሀሪዞ ዋ አመትዞ መኛ ንር ? ይሎዛልኩትቤ፣ ኮኦታኝ መውሉድ አሥራ አሀታኝ አዎምቤ (11ቤ) 1304 ሂጅራቤ አዊኑም 5 ጃንዋሪ 1887 ቤ ሐረር ባድዚኘ ነፍጠኛ አዳዋ ኢመይዴጅሌ ዜናርቲብ ሃለት ሚንኩት ኢንናር? ሚስራች ሐረር ኢመይዴቡ ዋ ሐረርቤ ኢስወጡ ማቤይና ሐረሪ ዳይሐዋዝ ሃለት ሚንኩቱኸ ዩመስለ ኢንናር? ፍዝቤ ሀጪርቤ ፣ አሚር አቡበከር ዋ አሚር አብዱላሂ ማቤይነቤ ዜናር ሃለት ይው ይመስል ናር.....

ኢዴቤ ሞቃ ዘልበና ሐረሪ ባድዚኛ አሚር አቡበከር አፍተል ገራድ ባድዚዩ ገልማ ሺራ ዋ ገፍራ ገራብቤ ቀንኤቤ በጅሀቤ ሀረቅ ዛላዩማ ሆጂ ማልቲቦም ኢላ ሰማሊ ደች ዋ ኡጋዴን ተማምቤም ዩትቁቀልዛላ ሐራሪ አሚር ኢንናር። ሐረር ዋ ሺርቲ-ሐረር መምለኪያው ዜዝዙሶ ወቅት 1250 ቤ ኢላዋ 1268 ሂጅራያ አዊኑም 1834 ሚላዲቤ ኢላዋ 1852 ቤ ኢንናር። ዩ ውቀቲ ሁክሚም ሩዎው ዜፈረካ ታሪኽ ዛላማ ሳለይ ፈቀር ዋ መስናይ ዶኝቤም አዘኩቱም በጂህ ፈቀራችቤም ዜትቁቀላንታ። ይዞም መስናይቤ ዝትቀቃለውኩትቤ አሁን መሸራብዞ ኡኩንታ።

“አፍተል ባድ ሀፈንዞም አዳዋ
ሳይ ባድዚኘ ሀፈን ዘለልባዋ” ባይትቤ አፍተል ባድ ይትቀቃላል።

አሚር አቡበከር ኢስሞቱ ቤሂርሌም ፣ ልጄዚዩ አሚር አሀመድ አቡበከር 1268 — 1272 ሂጅራያቤ አሚኑም 1852 -1856 ሚላዲቤ ሀርአት አመት እስነገሱ ቤሂርሌ ፣ ሆጂም ጌይ ኡሱእ ታሪኽቤ በጂህ ከፍቲ ሃለት ዛልበ ኹንቲዋ ዘያቆመስ ሀለትቤ አሚር አቡበከር ሱልጣቤ ፈተህ ባዩ ይሎሆል። አዚዩ ሁክሚቤንታ ፈረንጂ ካቲብ ሪቻርድ በርተንም ሐረርጌይ ዜዲጂው፣ አዞ ዩላዛል ኩትቤ 1855 በርተን ሐረር ቦኣማ አሥር አዎምቤ ሐረርቤ ወጣ። ሐረርቤ ሌጣማ 1 አመት ዋ 8 ወሀሪ ቤሂርሌ አሚር አሀመዱም ሱልጣቤ ተሻሩ ዩ ወቅቲያ ሐለት ዩሎዛልኩትቤ ሐረርቤ አማን ወቅቲም አልናርታ፣ ሃለትዞም ዘስከናም አልናርታንታ ይሎዛልኩትቤ። ሀሚር አሀመዱም አማንነትቤት ሞቱ ይሎሆል። ዩኸኒማም ይ አታይዋ ሁክሚዝዩው ፣ ታሪኽሌዋ ተራኸያችሌ አዝዞው ነሀደጋካ። አሚር አሀመድ ቤሂርሌ ዜነገሱ አሚር ሙሁመድ ቢኒ አብዱልሸኩር እንተዩ ባይትቤ ይታዋቃል።አሚር ሙሁመድ ቢኒ አብዱልሸኩር አሚር አሀመድሌ ኢዜርዚዩ ለጂንታዩ። አዚዩም ዩታወቃዛልኩትቤ።1856 — 1875 ሚላዲቤ አዊኑም 1272 — 1292 ሂጅራያቤ ፣ አስራ ዘሀጠኝ አመትሌ እስገዘኡ ቤሐርሌ፣ መሀመድ ረኡፍ ባሻ ኢምራንዞቤ ሚስራች ማኸዳኛቤ አንገትዚዩው ተሌቃቀማ ተጋዳሌ። ዩቤም ሐረር ታሪኽቤ ሜገል ግርሌ አለጋ ሁክም ዲጃማ 1292 — 1302 ሂጅራያቤ አዊኑም 1875 — 1884 ሚላዲቤ ሚስራች (Egyptian) ሀረት ሚስራ ባሻች (ረኡፍ ባሻ፣ ሪድዋን ባሻ፣ ናዲ ባሻ ዋ ሀሊ ሪዳ ባሻ) ሐረርው ተራ-ተራቤ ገዘኤ። ኢንግሊዝ ኢምራንቤም አሁን ሺኢም ቢላይ አሁን ዲግንናም ብላይ 1884 ጌዩው ቆፍዋ ቃኝዜ አዳዋሌ አትጋላጤማ ሚስራችዋ ባሻችብዩ ሀይጌማ ሐረርቤ ወጡ። በድ ራጋች ክህሊዋ አሚር ሙሁመድሌ ኢህዚዩ ዜታዩነትሌ አሚር አብዱላሂ ሁክሚው አወራሱዩ። አሚር አብዱላሂም ሁክሚው ለሀዱማ ሺኢሸቲ አመት ዘልመለአ ወቅቲቤ ሁክምዝዩው ጠብጠቡ ኢማዩሹ፣ ሐራሪሌ ኡስጡ ጡሱዕዜ ዘልፋፋሊቤ፣ ሚስራች ዜድጃሎ ሀጂው ዛላቦራዱቤ፣ እንግልዝቤ ሙሊዕ አሚራንቤ ዜተማራ ሂዩና መራ ናፍጤኛ፣ ከልሐራር ሸተት-ሸተት ባይቲ ኤገለ።

ይ ዩንቅው ዛቁማ ዛረማጡ፣አዳዋው መትማሀጥሌማ ሐራር ሸርትቤ ካፍር ነፍጤኛው መርሀቅሌ ኡመትዝዩሌ ንግርትቤ ዜካላሁ አሚር አብዱላሂሌ ወሌባይ ሐራሪያቸው ለበክ ባይትቤ አሚር ክላሆትሌ ተጣራሁማ ቀር ኢግርቤ ቃነኑ።

አዎም ኮኦታኝ መውሉድ አርበዐ አዎም ወሀሪ 11ቤ አሲራ ሺኢሸቲ በቅላ ዋ ሀርአት ሂጅራያቤ፣ አዊኑም 5 ጃንዋሪ 1887 ሚላዲ አዊኑም ተሀሳስ 28 1879 ቤ ኡፍ ዩዩ ሳክቤ፣ ሰኣዛ ኢር ቢርቢር ሰኣቤ (ሱብህ ሰላት በሐርሌ) ሐራሪ ጆይሺ (ማኸዳ) ሐረር በርያቸው ክልዋማ ሚሻዋ ቤርዙኩትቤ ክልትሳማታ ከል አንሳር ዲን በሪ (አስመአዲን በሪ) ኩፎኝ ወጠአ መ አዞው ኡጋው አሚር አብዱላሂ ኤቀድነትቤ ዩ አሀመራ ነፍጠኛ ማ ከል ሐረር ጌይ ፎኝ መዴጃቤ ዛላው መትፋለምሌ ጋዝ መውጤሌ ሩቡት ቦኣማ ተዋካልቱ አላላህ ባያ ሳስ ጁዝ ቁርዐኑው ትዐቤ ይቀርሳል ኡጋዞው ቃያሳ።

አዳዋው መትፋሌምሌ ዞጡ ወሌባያችቤ፣ አሱሚይ በሪቤ አውኑም አሹራ በርቤ ዜወጡ ወለባይ ማኸዳኛ ማቤይነቤ አብዘሀዚዩ ሐጅስ (ባራኖ) አሩዛች ኢንናር። ዩ ወለባይ ማኸዳኛ ማቤይነቤም ኢላ ሆጂም ሱምዚዩም አሀላችዚዩ ሱመውም ቶያዚዩ ቢላይ ዘኑቀያች ማቤይነቤ፣ ዘይቲተወቁ መኸዳኛ ቤ አሁንዚዩ፣ ማን አመኖ (The unknown Soldier) ቤ አው አባድር ሐረር ወልዲ ማኸዳ ባይቲቤ ኒከልሀዩማ ሀጪር ወርዚዩ አዚዩበህ ዜትላህዳ ቂስሳ ዋ ባሎታቸው ዩቤ ተሀይ ሀጪርቤ ኒቁቅላና። ዩ ወሩም ጉዶር ወቅቲ ቤሂርሌ ዜትጠመሳም ዜትረሰአም ዜትናወጣም ይነብርባሌ ይፈርካል። ይው አሳስ ሞሻቤም፣ ዩ ኩቱቡው

አው አባድር ሐረሪ ወልዲ ... ለ-ሀ 14ቤ ዜትኹተላ

ዚከተባ ሩህ ሀዋዝበ ሙሉ እ መስኩሊያ ዩትነሰኢማ ሩህ ሀዋዞ አቅልዞ ዋ ታሪኽ ደፍደፍቲዞ ጠለስ ዋ ቻላው ዩደብላማ ሀሳዋዞ ዋ ገለገረብዞ ኩፎኝ ዩቡእማ ዩ ቤሃርሌ ታሪኽዞው ሀጨርቤ ዩግላል። አላሁ ግርጋራውም መጠቀስበ ቅሳዞ ኩፎኝ አላሁ ግድራባህ ዩቡእል።

አያምዞ አርበኢ፣ ኮኦታኝ መውሉድ 1304 (ጃንዋሪ ሀምስት 1887) ዩኩዛል ወቅትዋ ዘመንበ፣ አዳዋ ሐረር ሽርት መጋላ ቆረራ። ይ ኡሩስቤ አላዋ አግርዞ ዘማን ሀርቢ መሀዋቤ ዚትኡቸቻማ ዚጥዋዋራ፣ ይ ቅጤ ኡጋው ይድጅዛል አዳዋው ቃኒ ዛያወም አደብ ኡሽ ዛያወም አባ ኻና ዛይውም አልናሩም። ምንሌ ባይትማ ሞቃ ተኻሻግር ናርግር ታርኽ ከብራቸው መትሀበር ይትፈራካል። አዳዋ ሀደፍዞም ጌይ ሺርቲም አልናር። ሀደፍዞ፣ ዩ አዳዋ ሀሰራ መራ ሀረር አባድር ናር። ዊሊ እ ሚስራች መውጠእቤ፣ ሀክሚ መሴነንቤ አሚኑም መቼኸልቤ ልምዲ (ኸብራ) ዚናሬው ሐራሪ አሚር አብዱላሂ ሀሰኒ፣ ዩ አዳዋው መትኻተርሌ ይፈርካቤ ጠብጠብ ባያ። ይሂስቢማ የሪምጤማ፣ የጋርዲማ ሺርቲዞ ሀረቃችሶማ ሚስራችቤ ከፍ ዛይዩ ቀቢላቸው አሀድ ሰልፊቤ መቃነንማ፣ ዩ አዳዋው መትማሀጥሌ ወቅት ዘልናሬው፣ ሀንጉላዞቤ ዩ ዩዲጅባኛል ዘላያ፣ አሚር አብዱላሂ ሙሀመድሌ ዚናረዩ ጤነዮ ማኸዳ ወለባያች መፋጨሌ ባድዋ ዴርጋቤ ኬለሃ። ከላሀትዞውም ዚትቁባላች ማቤይነቤ አብዘሀዜዩ ባድቤ ዚናሩ በረኖ አሩዛች ዋ አሩዝነትሰዩሌ አያማች ዩሂልቁዛሌ ውጅ-ውጅ አሩዛች ናሩ። ዩቤም አኸእ ኒቁቅልላኸ-ዛና ቁስሳው ዜመዱ፣ ዩ ወሩው ቲቀርዛኸው አሚኑም ቲቀርዛኸይ፣ ሱምዚዩ አው አባድር ሐራሪ ወለባይ ማኸዳ ባይቲቤ ኒጠርሀዮሆናዋ ትዐቤ ትቀርሉናው ነትሀብራና።

አለደነቁኸ-ጊር ሚንሌ ሱምዚዩው ኑቀዩሚና ባኸ-ግር፣ ሰብብዞው ሀጨርቤ ቀርራኢያችሌ (ትቀርዛኻችሌ) ሚመድ ንኻሻና። አር አሳልቲ ድርሬ ደቺቤ አንሌ አን ነትጋፍሪቤ ለይሌ አልያሰ ፈረዝ መጋለ መስኪዱው ቤትስካን ኩፎኝ ዚናወጣ አሀመራ ነፍጠኛ ከስመኛ፣ በቅላ ዋ ሀርአት (104 አመትሌ) 1887 — 1991 አርራትቤ ዘሴናናው አርራት ዩቁጭዛል አጂቤ ዚጣራሀው አጣቢኛ ይጋሚዛል ዲነት ዚገዘአው፣ ደርሲ ዚለመዳው ሐረር ጌይቤ ይሰድዛል፣ አፍሪቃ ደቺቤ ማኸዳ ቺኻልቤ አስከሪ አቦቃቤ (Military Base Camp) ዚታወቃ ሶስተኛ ክፍለ ጦር ባይቲቤ ዚአሳሴው አሀመራ አዳዋ ታሪኽው የነግሲ ሄራው ጌይቤ ጨህ ዛሻ ከስመኛ፣ ይ ዱፋን አመታችቤ፣ ዚናሬው ታኸዋ ሀርቢ መሀዋው አትዮጵያው ዚታ ሐረር ኡመትቤ ሱማሊያች ዋ አርሞያቸው ሰም መቱሻሌ ዚቃናና ዚደኸዋ ሄራ ናር። ዱመም ሐረሪ ኡመት ሂልቅቤ ዩዛይዲዛል ነፍጤኛ ማኸዳ ጌይ ሺርቲ ሙጤቤ ናሬው ። ሐረሩው ታርኸዜው ገማመውማ ነፍጤኛ በድ አኸ፣ ሐራሪ ኡመቱም ከልአነሳ ለጣ። ኡጋዴንዋ ዲዳ ዋሌድቤ ዚናራ ነፍጠኛ ማኸዳ ሂልቅዞው አሀድት አላሁ የፍጃ። ይዴኸዋ ሄራ ሂርቆትዞቤ ዩዱግኒኩት፣ ሲናንዞው ዘያሳንኩት፣ አፍዞው ዘይክፈት ማ ሂዩ ባብዚኛ ታሪኽው አሚኑም ሱምዚዩው ዘንቁቅላኩት፣ ዩ ጉሱስ ሄራ ማኸዳሌ ሚሪ (Taxation) ዩከፍሊማ ከከባ ያኸዚናር አላዋ 1991ው ሐረሪ ኡመት አንናር። ዩቤምንታ አላሀጃ ሰም ጥርቅም ዛያ አርራት አኸእ ተፈተሃማ ሂዩ አው አባድር ሐራሪ ወልዲ ወለባይ ማኸዳ ቁስሳዜዩው ሆጂ ዩ ኩቱብትቤ ሚመድሌ አልላሁ ባያግር ኒኸሻዛና።

አው አባድር ሐራሪ ወልዲ ማኸዳ አሚኑም ሐረሪ ሸሂድ፣ ሱምዚዩው ዘኑቀዩ ማኸዳ፣ አሀመደሞቱ ሀርቢቤ ደረር አስኻኑማ ባሩድቤ (Bullet) ሚጠቅዚዩ አስቲመሀጡ ቤሃርሌ፣ ሙትቤ ሰለጡማ አዳዋቤ እስትሼማቁ ቤሃርሌ ቃርሳ ሰሪ ሚጠቅቤ አሀላችሰዩ አፈረንቀሎ ቃሉያች ጋርቤ ተሼመቁማ አጥርዋ ደውዋቤ ይትፋቃዱዩዛል ኮኦት ሳቲ መትፋቀድ ቤሃርሌ ዚትኮአቤዩ ደም ቢዝሀቤ ዩሙቱማ፣ አሀድ ኡሱኡም ዘላቃቤ አዞ ባድ ዳሚንዞ (Chief) አገኒቤ ጂናኢዝዩቤ ሰላት ዩሰግዱቡዩማ አያምዞ ሹመቅት ቀብሪቤ ዩትቀብራሉ።

በጂህ ሐራሪ አደቻች አርማላ ኻኑማ ቃሩ፣ አያች ወልዳችሰዩው ቀቤጡ፣ ሐራሪ ዳዩ ሐዋዝ ሸህዳች ዚሞቱቦ አታይ ዋ ዚትጠመሱ አባዋ አሃችዚዩ፣ አቦቻችዚዩ፣ አሀላችዚዩ ቀብሪዚዩው ሞቃሌ በጂህ አያችዚኛ ኡማችዚኛ አኸእ ዛልናችሌ ዚኡማ ኡማችዚኛ አናች ከተማችዚዩ ዩ ወሩው ታርኸኩት ነሳንማ ዚኻና ሀለትቤ ተፈኩር ናሺኩት ዚሞቱ ጨሌንቆ ሸህዳቸው ንቅቅልማ አልላሁ የትሪሀምለዩ ንልኩት አላሁሌ ሀሚድ የግባአቃ አዴ አታይ አቦሪዴና።

ሺኢሽቲ ወሀሪ ቤሃርሌ ራጋ ሶመን ዋሀርቤ፣ 1304 ሂጅሪያቤ አሚኑም April 1887 ሚላድቤ አሀድቲ ዛላዩ አሀዚዩው መፋጫሌ ዩቤም ሂዩ ሱምዚዩ ዘይቲታውቁ ማኸዳ አው አባድር ሐራሪ ወልዲ ማኸዳ አባይዚዩ፣ ዩሎዛልኩትቤ ጨለንቆ ሀርቢ ቤቀድ አቦች ዚሞተቤዩ ማ ኮኦት ቀሀታችዋ አይዚዩው የሀድጉማ ሹመቅቲቤ ጌይቤ ዩጨማ አሀዚዩ ወሩው ሀልሞ ሞታው ፋናና ሞሸሌ ከም ጨሎንቆ ዩሀራሉ። ወራባ ቤ ዚተረፋ፣ ኡሪ ሀምባ ዚኻና ባባጭዚኛ ጂናኢዙው መራቤ፣ ዩሎ ሀንጉር ዘሀንቁዩማ ዚመራረዩ፣ ዩሰኝ ሚይ ሲቅ ዛይዩ ሂዩ ኡማዚኛ፣ አው አባድር ሐራሪ ወልዲ ማኸዳ አባይዚዩ፣ ይላሀዶው ዚቀብጡ ማ አያማችሌ አር ዋ ቢርዲ አስአፈጨቤዩ ቤሃር፣ ያሾዋ የቲሾው አሞሴዩማ አምሪው አሀት አለሌ ሰጡማ ከሌ ሰርሪጌይ መግባእዚዩ፣ ታኸ መዴአፍ ዋ ዚሪአቤ መድነበጥቤ ሀምዚዩ ዚኸደኤዩ ሰአ፣ ሀርደዚዩው ሾረቅ ሾርቅ ያሸዛሌ አሀድ ጥቀሻ ገንዳ ፎኝ ለከም ዩላሉ። ይ አሳቲም ዘልነደደቤው፣ ተኑም ዘልተነነቤው ገንዳቤ ዛል ኡሱእ ማ ማኑው አምኒ ማኑውኸ አሰሚማ አሪ ዛያቤው ወቅቲቤ፣ ዩ ቶያች ለከም ዛዩ ኡማዚኛ ሚን አገኛዩ? ሚኑኸ ቦረደቤዩ? ጌይቤ አላ ዛሌቦ ገንዳ ሩህቃዞ ዋ ዩ ወሩኸ ሚን አይናቤ እናች አብሱማችሌ ቦራዳ? በይቲቤ ሆጂሌ አዴቤ ነቡርዲማ ዚቀራሌ ዩዲጅ ኩቱብዚኛቤ ኒትራኢ ቁሲ አላሁሌ አማና ኒለኸሆና።

ሐራሪ- ዲርሰ-ሀን

ዚ.ሐረሪ ሁሰኒ ረኢስ ኸንጋ ሙራድ አብዱልሃዲ ዚ.ሐረሪ ሚ.ሊ.ኒየምቤ ዛሾ ኒጊርቲ

ሉሀ 9ቤ ዜትኹተላ

ኸንጋ ሐረሪ ሁሰኒ ነባሪያች !

ሐረር ጌይ አሀድ ከምታኝ አመት ዋ ኢቶቢያ ከማማው ነገድራዛነ ባድ ደረጀቤ ዛልነቤው መስኪንነቱው ኡምሪዝዩ በቅላች አመትቤ ይትሂለቅዛል ባዳች ዱቅ ዛዩ ባውነት ደረጀበህ መትጋበትቤን ታ። ሌቆት ዋ ብዳሮት ይዲጃዛል ስንኒ ብዝሀቤም አልታወ ባድ ደረጀቤ አሀድ ፍእቲ ይለሀዶመ አዝዞዴ ዱቅ ባይቲሌ ማልቱ ዋ ምኼት ጠቢቅቤ ዝደለጎላ ሞኸነዞ ይገብለህህል።

ሁሉፍ ዛዩ 15 አመታች ኡስጠቤ ባድ ሁፋቅ ደረጀቤ ዝትከመሉ ብዳሮት ምህራች የትሚህቁዛላችን ተዩ። ለይቤም ሁሉፍ ዛዩ 4 አመታችቤ መትኸታተልቤ ዝትመዘገበ ዝዲነትጌይ ልቃኦት ይዋርኩተ ሞሽ ፈረክነግራ ዝባድ ፍእቲያችዝናው የሲር ሞሽሌ ይኢክረነዛል አሀድ ሽኢም ዘሌልነቱው መቃየስ የሙሱሚል።

ዝባድ ዲነትጌይ ልቃኦትዝ ይዋርሌ ይፈርካዛል ቁጥጤ ሁሰኒያችቤም ዩሊጡቤ ዛሉ ዝብዳሮት፡ በረሀ መትሂዳደርቲ ዋ ዝዲሞክራሲ ሄራ መኤስስ ምህራችዝና ዘልባሩሳ ሙጥጢን ተ። ይሌም ኡመት ተሳኦይት ኦርኩተ መተኹሸዞ ይገብለህህል።

መ ዩ ከማመቤ ባድዝነሌ አስሊ ዳጂዜ ዝታ መስኪንነቱው ሽክፍ ሞሽሌ ሁሰኒዝነቤ ይሊጥዛሉ ዝብዳሮት፡ ዝበረሀ መትሂዳደርቲ ዋ ዝዴሞክራሲ ሄራ ፍኸሎቱው መትፋጠንቤ ዝባድ ፍእቲያችዝና የሲር ዩኸኑኩተ ዝገረብዝነ ሁሰኒ ሳሙው መታጨሌ ናሻዛነ ጨራቀቤ እጂ ዋ እጂ ንትላሀድመ ሀፍ ንሊኩተ ክላሆት አቀርባኸ።

ይቤ መትኹተልቤም ሆጂ ሞይ ኸንጋ ኮግደዝና ኸንጋ ወዘራች ወዘር መለስ ዜናዊ ኹጥበ ያኹሉነኩተ ጊዲር ሸረፍበህ አፈራኸ።

አልለ መገን !

ሐረሪ መሀድ ኮንግራስ ዲያስፖራቤ

ቢሳሎትሌ ዋ መሀጂጃሌ ዚቀረበ ፍኸብቲ ሪኦት

ቡእቲ

ሀረሪ ኡመት ምሻ ዛልበ ጌያችቤ የሊጣዛል ኩሸኩሸቲሌ “ክላሆት ጋር” ዝገረብዜ አታራሙቱው ታሽቤ ሀልቲ። ሁጀሌም ሁሉፍ ዛዩ ሀረሪ ከማማው ድልቅቤ መግደርሌ ዘሌጥተ ወርሸእቲ ፋይደዞ ኢን ይመልሃል ምህረ ኻነመ ታሪኸዚነቤ ቦኦ።

ሁሉፍ ዛዩቤ መልመድቤ ጊሽሌ ጠብ ንሊኩተ አልሀድ ኦገስቲ 19/2007 ክላሆት ጋር ዝነሰኤው ሙርቲቤ 10 ቦሪ ዝተዩ ኡሱኦች አሀድ ጢነዮ ብሳሎት የቀርቡኩተ ተቆጩ። መ ህያች 10 ኡሱኦቹም ሀጨር ሀርጊ ሞሽቤ ሀረሪያች ኮንግራስ መትኤስስ ሀልባቤ አመኑ። ዩ ኮንግራስ ይትዋቀርበ ኡጋው መቃየስሌ 3 ኤቀዳች ጠረሁ። ምህረዝዩው 4 ሳቲቤ መክመልመ ክላሆት ጋርሌ የቀርቡመ ፍቅ ይልሃሉ ሞኸነዝዩውም ቆጩመ ክላሆት ጋርዞሌም አትቴወቁን ናር።

ብሳሎትዞ ሀፍቲ

ታሪኸ የቀነነዛልኩተቤ ሀረሪያች ጥልፊኩተ ዝትሳፍነመ ዛልነ ቆውሚን ተነ። ዩ ተራኦታችዝ ይትሬዝዛሉም መሪኝነት፡ቶየነት፡ሀማችነት፡ ሙጋድነት ዋ አፎቸነቱው አሳስ ዛሽ ቀላድቤን ተ። ከሀረሪነት ንነብሪኩተ ዘትፌረኪነ ዳንዲሌ ዋንን ዋ አስሊ ቆጥ አፎቸ ሄራን ተ።

አኸእ ወቅቲቤ ሀረሪያቹው ሱምሙትቤ ዛሉቦ ባድ ዱፋንቤም ሀረሪ አፎቻች ሀሉ። አፎቸ ባይቲ እንግሊዝ ስናንቤ ኮመኒቲ ይሎዛልን ተ። ጥንቲም ኻነ ሆጂ ሀረሪ ኡመት ዝዳይ ሃጃችዞው የከምላዛል ምሻ አፎቸዞቤን ተ።

አጥጢቤ አጥጢ ተራኦትዝ ዋ ወልዳችዝ ተራኦቱው መጥበቅሌ ዝወሪቅ ዋ እስቦርቲ ሞያች ጠብጠብ ሞሽ፡ ወልዳቹው ቁርኦንጌይ ሞሰድ፡ ሶመንቤ መስሰ መፍጠር ፡ ኢድ ዋ አረፋው መስሳ መግደር፤ በለቹ ዋ አሙታ ሞሽ፡ ባሀ መስሰ መሌጠ፡ ባድ ሃጀሌ ዳይቤ ዋትነ ባይቲ ዝዳይ ሃጃ ንለዩዛናችን ተዩ። ዩ ሃልቤ መስሳ ሀልነግራ ዲንዝናው ስናንዝናው ዋ ማንነትዝናው ንቁሀሪመ ወልዳችዝነሌም ሃላ መሀልዝናው መትቄረስ ንፈርካነ ባይቲን ተ።

መ ሀረሪ አፎቻች ዱፋንም ሀደፍዝዩ ዩ ዝትቁቀሉ ሃጃቹው መክመል እስኻናው ቁሲ ምሻ ዛሉቦ ባድቤ ዘገኞ ልምዲው መትንዋወጥቤ ዳይ ግዝማንዝዩው ዳይቤ ሞሽሌ እስበልበላት አፎቻቹው ምህረቤ የትራእዛል አሀድ ቆጥ ውጥኒ የትኸሻል። ዩ ውጥኒ ሱምዞው ወቅቲዞሌ ሀረሪ ኮንፈራስ ባኔው።

ሀረሪ ኮንግራስ አግቡር ሞኸነሌ የትፈርኩዛሉ ቀብታችሌ አስሊዞ ሀረሪ አፎቸ ሞኸናን ተ። አግቡርነት መቦኦ ተራዲነት ዋ መስሰ መስሰነትቤ ዝትሬዝዝን ተ። አፎቸ ዱፋንም መስሰ መስሰ ወንባር ይነብረሀል። ወቅቲዞሌ 2-3 አፎቻችቤ ተራኦትዞው ይግሊመ እስበልበላት ባድቤ ዛሉ አፎቻችሌ ክላሆትዞው የስሲማል።

ሉሀ 17ቤ ይትኹተላል

ቤሃርዞም ኮንግራስዞቤ መትደበልሌ ተራዲ ዝተዩ አፎቻቸብህ ይትዋቀራል። መትኼተልቤም ዝዳይ ክህሊዝዩ ዋ ዳይቤ የከምሎ ሃጃው ጠልሀየቤ የመስሩመ እሾት ዋል ያሻሉ።

ዋቅእ ኹንቲ

አር ሃጃት ዋ አር ኔት ዛለ ኡሱእ ዳፋኑም ቹኹሉው ዝቅ፡ ወዲቁው ሀፍ ሞሽ ሀልበኝቤ ያምናል። ዩ ሀደፍሌ ዝቃነነ ውጥኒሌም ዘይባር ገርጋሪዞው ይስጣል።

አኸእ ዛል ዋቅእ ኹንቲቤ ሞሻ ባድ ሞሻ ባድቤ ሀረሪያች አፎቻቤ ተዌጠኑመ ሀሉ።

ሀረሪ ቀዲያሌ መቃነን ባይቲ ሜገል ሀረሪ አፎቻ አግቡር ሞኸናው የትሂብራል። አሀድ ኡሱእ ዩ ዛልበ ሀቅዞው ዘከመለሳ ቤሃርት አፎቻዞ ኤቀዳቹው አቀነኡግራም አቀነእኹ፡ አበለሉ ግራም አበለልኹ ባይቲሌ የሚችባዛል። ዩው ባይቲዞም አፎቻዞ ልቃኦትሌ ግዲር አታሎት ያሻል። ሰበብዞም ተሳአዶት ባይቲ ይን ታመ።

አሀድ ኡሱእ ሀረሪ አፎቻ ዛልበ ባድቤ አፎቻ ዘለቦአው ቄሲ ኡምመትዞ አምሪቤ ሩህዞው ሂጠረ ባይቲን ተ። አፎቻ መትደበል ሀቅዞው ዘልቲናፊአመ ሀረሪነትዞቤ ይትቴቀብበ ዋጅባትዞው ዘላሸቤ አፎቻቤ ዛላች ዋ አፎቻ ኤቀዳቹው ዝጋል ሞሽ የሀማላል። ዘልቲደበለቤው አምረትቤ ጡሉቅ ባይ ሞኸነ ዩኹናል።

ዩ ዝታሌ ሀረሪ ዳፋኑም ይትቴቀብባዛል ሜገል አፎቻ ይትደበልን ተ። ዛልበ ዋጅባትዞውም ያሸን ተ። ቤሃርዞም አር ዛሻው መድነቁም ኻነ አሪ ዛሻው ዝጋል ሞሽሌ ሀቅ ይነብረሀል። ኢትተ አታይቤ አፎቻ ኤቀዳች አፎቻ ዘለቦአችሌ ወቅቲ ወቅቲቤ ክላህት ያሹመ ኡሱእ አፎቻ ይትደበልኩተ ሀፊርሳ ያሹኩተ ቀጠብ ነትቲሻነ። አፎቻቤ ዛልኻቹም አፎቻቤ ዘሌል ኡሱዕ የዋላዛል ጠረ-አፎቻ ወሩው መትኻተርቤ ክም ኤሃር አተሉ ንላነ።

ንውጥሌ ጠብቲ

አሀድ ዳይሀዋዝ ቅጥጤ ወቅቲ አሀድ ሃለትቤ ይነብሩሜል። እስበልበላት ፈለክቤ እስበልበላት ሃጃች ዋ ኸሾናች ይነብረሀል። ሞሻ ዛሉቦ አታይቤ ሞሻ ዝረኸቦ ልምዲቤ ሞሻ ፋይደ ዋ ቅናኦትዝዩ ሃልቤ አፎቻች እስበልበላት ተህሲባች ዋ ሪኦታች ይነብረዩሌ ይፈርካል። ዳይቤ ይጠቅሰዩዛል ሃጃ ዋ ሁጅጃ ዛልኩትዞ ይትላይባዛል ሺኢም ይነብራል።

ይትላይባዛሉም ኻነ ይትማስልባዛል ግዝማን ዋ ኸሾናቹው መትሂራረግቤ የትዋህቡባዛል ውቃሮት (ሀረሪ ኮንግራስ) ጠብ ሞሽ አር ንውጢ የትሪኸባል። ዩ ሃልቤ መትዋቀር ባይቲ ሀረሪ ዳይሀዋዝ ጉትቲቤ ዛሉ ኩሽኩሽታች ሉይቤ ይትታወቁመ ማን ? ምንኩተቤ ? ዋ መቺ ? የከምለየህሉው ሞቀ ዋ የትኸሸዩ መስሩፍ ዋ ኡሱእ ታኹውም ይዋፍቅ ኡገቤ መርመድሌ የሚቻል። አፎቻች ጉትቲቤም ድላገ ተሳአዶት የትሪኸባል። አሀድ አፎቻ የቲማች ሃጃው ለሀደግር አላይ አፎቻ ደርማች ሃጃው ይለሀዳል። ሀረሪያች መዳበያ ሞዩው ይነክዛልቤም ዝዳይ አምሪ ዋ ክህሊ ይነብሪኩት ያሻል። ግዲር ያምዞ ዩኹንባዛል ባድ ዋ አፎቻች ተሳአዶቲውም ዳይቤ ዩቁጭመ ይቃዋራል። ደርማቹው ዋ ሙጋዳቹውም ውቃሮትዞቤ የሀፍቃል። ምህረ ሳሙም ይስጠዩህል።

ኮንግራስዞ ይትነደአዛል ሀረሪ እስላሚያ ቅይማች ዋ ቀድራች አሳስቤን ተ።

ዝዳይ ግብቲያች

1. አፎቻች ሚሻ ዛሉቦ ጌይቤ ሩህዝዩው ጠብጠብ ያሹኩተ ፍሪግቲ መስጣ።
2. አፎቻች ሩህዝዩው ሀቢዶኝ ሀቢዶኝቤ ይዊቅሩኩተ ሞሻቤ

ደርማች ወሀቻች ይትሀፈቁመ ተሳአዶት ያሹኩተ መትፌረክ። አፎቻ ድላገ ምህረ አሻውሪ ሙጥጢቤ ዘይቲሂጠርኩተ ሞሽ። ኮንግራስ አግቡር ዝተዩ አፎቻች ዳፋኑም ይው ያሹኩተ ልምዲ ዩነሱኩተ መግፋፊ።

3. ህትፋን መትሲጣጠ ዋ ልምዲ መትጋዘ። ሂሳብ መልሀድቤ፡ ዳይ ሀዋዝ ሃጃችቤ ዝህልቂ ሁጃች መሳመትመ ፋይልቤ መልሀድ
4. ሀረሪ ፕሮጀክታቹው መክመልሌ ኸዝና አስብህ (fundraising) ሞሽሌ ዳይቤ ጉዝ መውጠእ። ኸዝነቤ ዩቡእ ዋ ዩጨው ይነክዛልቤም ኻነ ባንክቤ ይትጌብዛል መሀለቅ አዲትሌ የሚቺ ኡገቤ መትሀሀድ ይነብሪበሀል። ኸዝናው የትሻውሩዛላች ዛልበዩ ህባሮቱው ዋ ኦዲት ዩኹንቦ ኡጋው ኮንግራስዞ ዩቁጫል።
5. ሀረሪያች ሞዩው ዳይቤ መግደርሌ ኡሱእ ታኸ ዋ መስሩፍ መቆጨ
6. ሀረሪ አቅያቹው ባድዝነ ዋ ኡምመትዝነ ቅናኦትሌ ይትዌጠኑመ ጉዝ ዩጨኩተ ፍርግ ሞሽ ። ዩው መክመልሌም የሚቸዩኩተ አርረዞው መትሚቻች።
7. ሀጂስ ተውሊድ ዳይ ሀዋዝ አምሪቤ ይትደበልመ አደዞው ዩዲጅ ተውሊድሌ የወርስኩተ ኡገ መፋጨ
8. ኢን ይመልዛል ድላገ ዝደለጉ አፎቻ ወዩኸ ሙጋዳችሌ ሼለሞት መስጠ

ሉሀ 11 ቤ ዩትኼተላል

ዝናርቲ ሐረርጌይዝኛ

ሐረርጌይ መጋላቤ ዩጩ ዚናሩ መጀላችቤ ዚትቆረሰ

1887 ቤቀድ

- ◆ ሩህዜ አሚራች (ታሪኽ ከቢራችቤ ዚትኬበሌ)
- ◆ ዚሩህዜ ቃኑን ዚለሀደ መሀለቅ
- ◆ አለምቤ ሆጂቤ ሂሳብ አገዞ ዘመንቤ
- ◆ ዚራጀሀነትሌ ዩትበሰልሃል አቦቃ
- ◆ ሩህዞው ዚፈረክ ሸጃእ አግሮጃች
- ◆ አለም ጀሚእቤ ሆጂቤ ሂሳብ ዩትበሰልሃል፡ ዩትፎረሀሃል ዋ ጊንጊልቻ ሞኽነቤ ሃላ፡ ቸኸላች፡ ዚቀዲም መሀዲነት አሰጣች ዋ ቢአጃብ ዲንቆት ዩትሂጅሃላ፡ ሂልቂዞ ቂያስ ዘሌላ ዚጉርዱስ አልተ ዚኩቱብ ሁጃች

1887 - 1974

- ◆ ሐረሪ ኡመት ያሻ ዚናራ ሀርቢቤ መትማጃዞማ ሐረር አህመራ ሄራ ኢጂቤ መውደቅዜ
- ◆ ዚአዳ፡ ዚማንነት ዋ ዚዳይሐዋዝ ኩሽኩሽቲ ዋ ዚሲያሰ ፈለክዚኛ ጀሚእ ሴራ ሞኽነዞ
- ◆ አለም ጀሚእበሀ ሃሌ ተራኦት መትበጠስዞ
- ◆ ዘለመድተዩ፡ ዘባለኸተዩ ፊሪያችዜ ጀሚእ ኡመትዚዩው ባድዚዩ ሐረሩው ዘይኻድሙኩት ሞኽነዞ አህመራ ቀውሚ አሀድ አሀድቤ ጢት ጢትሌ ዲላገሌ ዋ አግሮጃነትሌ ኡመትዚኛ ማቤይነቤ መስፈርዚዩ

ኡመትዚኛ ሚንኩትቤ ተኻተሬው

- ◆ ሲርሪቤ ዚሲያሰ ኩሽኩሽቲያች ዚኻድዞ አልተ ቆባችዞበሀ መድባልቤ መቃነንማ ኢላ UN ደረጃቤ
 - ◆ ዲፕሎማሲ ኡጋቤ
 - ◆ አግሮጃነትቤ
 - ◆ ሰላም ዚሰፈነቤው ኣር ኩሽኩሽቲ
 - ◆ ሚሻ ቶያቤ ቡጡስ አፎቻ መቃቀነንቤ

1974 — 1991

ዚመንግስቱ ሄራ ዘመን

- ◆ ኡመትዚናው አላይ ቀውሚበሀ ዩትላቀጥማ ዚአበድሌ ማንነታዞው ዩቀብጢኩት ሞሸሌ ዚትቃየሰ፡ ዚትቆመሰ ሲርሪ ቃንንቤ ዚሰበታ ሀረካች ኤገላ - ሂያቹም ጢቀሾዞው መቁቀልሌ ኣትኬሸጊር
- ◆ መሰረተ ትምህርት ባይቲቤ ኡመትዚኛው ሲናንዞው አህመራ ሲንንቤ ዩሂግኒኩት ሞሸሌ መጋበት - ሚሳልሌ ሓይሌ ስላሴ ቤቀድሌ ዚናራ ሄራቤ 15% አሰጋዚና አህመራ ሲናን ሲኒን ናር፤ መንጊስቱ ሄራቤ ዩ. 68% አሰለ፡፡
- ◆ ሲናንዚኛ ቤ ቃኑንቤ ሬዲዩንቤ ጋዜጣቤ ዋ ቴሌቢዥንቤ ዘይቲስራጭኩት መገር
- ◆ አዳዚኛው መጥመስሌ ሐረርቤ ቢራ ፋብሪካ መክፈት፡ ጉምነነት ዩዳይዲኩት ሞሸ፡ ኡመትዚኛ ሀንቲ ዚታ ሐረርጌይ ጋራች መውረችቤ አላይ ቀውሚሌ መስጠቤ ዩበሊኩት ሞሸ - ዚምሳሰላች

1991 ዋ ቤሄር

- ◆ መንግስቱ ሄራ ተዳመሰ መ ኢህአዴግ መንጊስቲ ኤገለ
- ◆ ባድዚኛ ሐረር ዚቃኑን ከቢራች ኢትዮጵያ አቦቃው ዩከትቡኩት ተፌሩ
- ◆ ኢትዮጵያ አቦቃቤ ሐረር ዚትመረሰ ሀቅዞው ዩረኸቢኩት አሸ
- ◆ ሐረሪ ኡመት ኢትዮጵያ ዘህጠኝ ሁሰኒያችሌ አሀድዞ ኻነ ማ ኢትዮጵያ ፌደሬሽኑው ኤሰሱ ማ ሐረሪ ኡመት ሁሰኒ (ክልል 13) ባይቲቤ ተኤሰሰ
- ◆ ሐረሪ ሁሰኒ ዚሐረሪ ቃኑን ከቢራችቤ ተመሰራ
- ◆ ኢትዮጵያ ፓርላማንቤ በጂህ ሀንቂፍቲ ዋ አታበር ቤሄር ኢትዮጵያ አቦቃቤ መሰረማም ሰበታ

- ◆ ዩ. አቦቃቤ ኮከት ቻለ ዛለ ሁሰኒ ጋር ቃነን ሚጋይ ጋር 36 አቡሉያቸው ዘሀፈቃ ዩኸንማ ሁሰኒዞ ቲሞይ ሞይ ዲላጋው የሚሀራል
- ◆ ኮከታኝ ዘሐረሪ ኡመት ጋር አዩ አታይቤ ዛሉ ሐረሪያችቤ ዩትመለሀላ አበሉያች ሐረሪ ኡመት ሃጃው የሚሀራሉ

ሐረር ዋ ስታቲስቲክስ

- ◆ ሐረር ሁሰኒ ዘግሀዞ 348 ካሪ ኪሎ ሚትር እንቴ በቅለቤ 95 ኢጂዞ ሀርሺ ደቺ ዋ በቅለቤ 5 ኢጂዞ መጋለ ደቺያች እተዩ
- ◆ ሸእቢ ቢዝሀዞ 153,556 ዩኸንማ በቅለቤ 60 ኢጂዞ መጋላችቤ ዩነብራል
- ◆ ሐረር አለም ጠለስቤ ኡሩስጌይቤ 100 ዋ 200 ላቲቲዩድ ቀብታች መቤይነቤ ዋ ኪልቢቶ ገረብቤ 42.04 ዲግሪ ዋ 42.22 ዲግሪ ሎንግቲዩድ ቀብታች ማቤይነቤ ቲትረኸባት
- ◆ 1300 — 2200 ሚትር በሀር አስጠዞ ላይቤ ቲትረኸባት

ሐረር ዘደቺ ሀንቲ ሲአዶትዜ

- ◆ ሁሰኒዞ 19 ዘመጋለ ቀበሌ ዋ 17 በሪ ቃጩ ቀበሌያችቤ ቲሳአዳት
- ◆ ኸንገ ዋ ዘዲላገ መጋለዜ ሐረር መጋላ ኢንታ በቅለቤ 53 ኢጂዜ ሀርሺነትሌ ጠብ ዛዩ ደቺ
- ◆ በቅለቤ 21 ኢጂ ኦሪያች ሳር መጌሀጥሌ ጠብ ዛዩ ደቺ ዋ
- ◆ በቅለቤ 26 ኢጂ ሀጂስ ሀርሺነት መስበሀሌ ጠብ ዛዩ ደቺ

ሐረር ሺርቲዜ ዋ መሀድዜሌ ተቀርባዘት ዚሀርሺ ፊሪያች

- ◆ ሐንጉርሌ ዩኸንሃል ኢኸይ አሀላችቤ ላቂያችዞ
 - ◆ አረብ ኢኸይ
 - ◆ ኢኸይ
 - ◆ ጉስ
 - ◆ ቀመዲ
- ◆ ቅባትነት ዛለ ኢኸይ
 - ◆ ሎዝ
 - ◆ ሰሊጥ
 - ◆ ኑግ

- ◆ ኸድራ ጀማአቤ
 - ◆ አረብ ሙዝ
 - ◆ ማንጎ
 - ◆ ሀንጎራ
 - ◆ ዘይቱን
 - ◆ ጊሸጣ
 - ◆ ሙዝ
 - ◆ አላ ሸንኮር ዛልባች ላቂያች እንተዩ

ሐረር ሺርቲዜ ዋ መሀድዜሌ ተቀርባዘት ዚኡን ዘራች ዋ ሚሳያችዚዩ

- ◆ ማእዲን ኢንደስቲሪሌ ዩኸንሃሉ ማእዲናች
- ◆ ሲሚንቶ ዋ ኖራሌ ዩኸንሃል ኡን ዋ አፈር
- ◆ ሴራሚክ የትሪኸቢዛሉ ዚኡን ዋ ዚአፈር ሀንታች
- ◆ ጊዛዛ ዋ ቢርጩቆ ዩደለግባዛል ኡን
- ◆ ኮንስቲራክሽንሌ ዩኸንሃሉ ማእዲናች
- ◆ ማርቢል: ላይምችቶን: ሪፕግራናይት: ደሎማይት: አሸዋ ዋ ቄሀ አፈር ላቂያች ኢንተዩ
- ◆ ቃሊ ዚተዩ ኡናች
- ◆ አምቲሰት: ጋርኔት: ፓይራይት:ቶርማሊን ዋ ካርቲዝ ኢንተዩ



ልማዴቤ ዝትኼለምቲ ሐረርጌይዝኛሌ ረህማን የቦርደና!!!!



**DILSHAHAN
EDITORIAL BOARD**

Jamal Abdulwasei Kurtu
Abdulrahim Hashim
Mahbub Addus

ሸህን ዊቅርቲ ሚሳክ
ጀማል ልብዱልዋስደ ኩርቲ
ልብዱልረሃም ሃሽም
መሀቡብ ልዱስ

Our Mailing Address
ቲመጥለህቲ ቡርዳዝኛ

16304-65 Street
Edmonton, AB
T5Y 3E4 Canada

Telephone: 780 504 2097
E-mail: dilshahan@hotmail.com

We are on the WEB
www.dilshahan.com

ድልሸህን ዊቅርቲ ሚሳክ ሉኽ

ድልሸህን ዊቅርቲ ሚሳክ አቁያች ዋ ቦሪያችቤ፡ ክሾነቤ
ዝትሬገዝ ሙጢ እስታ ሐረሪ ኩመት ልቃኦትሌ፡
ቢዳሮት ዋ ይማጅ ንባሮት ጠለስሌ ሙሉኽ ክድማ
የትዋቅሪማ ጉርዱስ ቻለቤ ይስጢዛልን ታ። ዩ ጀሪዳቤ
ይትከተቡ ኩቱባች ጀሚኦ ድልሸህን ዊቅርቲ ሚሳክ ዋ
ድልሸህን ሱምቤው ዘልወጣ ቁሲ ከታቢዞ ልልታ
ገርዳስዞ ዝሙጢዞ ሪኦት ቢላይ ድልሸህን ዊቅርቲ
ሚሳክ ጌሳች ዛጥ ተህሲብ ዘልታነቱው ድርሬቤ
የቲውቃል።

Dilshahan Editorial Board is an independent organization of volunteers and professionals whose purpose is to offer Harari people opportunities for personal growth and service to others. The view expressed in the articles contained in this publication are those of the authors and do not necessarily reflect the opinions of the editors of Dilshahan, or the membership of the Dilshahan Editorial Board .

**ሐርኦቱው ሐርኦትን ዩፈጃ!
ኩጋው ሚጃን ዩፈጃ
ቅስሚው ጥርሲን ዩፈጃ
ሐሰነቱው ቃለ ዋ ቁላን ዩፈጃ
ኩምሪው ኦርቲ ማልልቱን ዩፈጃ**

(ኪታቡል ፈራገድቤ ዚትቀረሰ)